



13  
1969  
19





門 1 3  
號 1969  
卷 19

門 1 3  
號 1869  
卷 26

格致錄原卷六十六



格物總論冬青一名女貞木一名萬年枝樹身大合抱  
皮粗葉茂盛經冬不凋能結子每枝一簇而皮青黑色  
有瓢中心核飛禽食之典術女貞木者少陰之精冬  
葉不落本草女貞亦作楨蘇頌曰女貞負霜蕊  
翠故貞女慕其名一冬青晉宮閣名華林園有萬  
年樹十四枝方勺江宅編徽宗興畫學問試諸生以  
萬年枝上太平雀為題在試無能識其何木遂皆黜不  
取或密以印中貴中貴曰萬年枝冬青木也太平雀頰

冬青原卷六十六 木類 女貞



早稻田 大學 圖書館  
號 26.11.1 雙  
藏 書



伽烏也。羣芳譜：人樹女貞，冬茂，亦呼為冬青。不知女貞葉長，子黑，冬青葉圓，子紅，梅骨與女貞亦相似。女貞即俗呼蠟樹者，冬青即俗呼凍青樹者，梅骨即俗呼貓兒刺者，蓋三樹也。女貞一名貞木，一名蠟樹，以子種而生，最易長。樹似冬青，葉厚而柔，長而背淡，長者四五寸，甚茂盛，凌冬不凋，人亦呼為冬青。五月開細花，青白色，花甚繁。九月實成，似牛李子，纍纍滿樹，生青熟紫，木肌白膩，立夏前後取蠟蟲，種裏置枝上，半月其蟲化出，延緣枝上，造成白蠟。民間大獲其利。宋氏樹畜部：水冬青，葉細利於養蠟子。

羣芳譜卷六十六

羣芳譜：阜角一名阜葵，一名烏犀，一名懸刀，所在有之。樹高大，葉如槐，葉瘦長而尖，枝間多刺。夏開細黃花，結實有三種：一種小如豬牙，一種長而肥厚多脂而粘，一種長而瘦薄，枯燥不粘，以多脂者為佳。急就篇注：阜葵樹一名雞棲。稽神錄：泉州文宣王廟庭宇巖峻，學枝之盛，冠於藩府。庭中有阜葵樹，每州人將登第，則生一葵以為常。墨客插犀：唐七聖殿有阜葵一株，合數人抱，相傳明皇泊貴妃共種於此，每歲結實必有十數。葵合歡者：神仙傳：葛仙翁斬阜葵樹為杯，用以盛酒，酒味益妙。南史：齊蕭鸞嘗用阜葵訖，授餘滌盥，左右曰：此猶堪明日用。七修類藁：鹽酒蟹每一器十隻用。



阜莢半挺置中則經歲不壞。西陽雜俎。鬼阜莢生江南地澤如阜莢高一二尺沐之長髮葉亦去衣垢波斯阜莢出波斯國呼為忽野詹默拂林呼為阿梨去伐樹長三四丈圍五六尺葉似枸櫞而短小經寒不凋不花而實其莢長二尺中有隔隔內各有一子大如指赤色至堅硬中黑如墨甜如飴可噉亦直藥用。

櫻櫚

廣志櫻一名并。闊葉似車輪乃在顛下有皮纏之附地起二旬一採轉復上生。格物總論櫻櫚一名栢櫚高二三丈無枝幹葉長而大岐生枝頭皮相重裹一行一皮各有節皮可為索也。丹鉛總錄櫻櫚一名巖葵又

曰蒲葵。羣芳譜棕櫚俗作棕。蘆皮中毛縷如馬之鬣。蘆故名出嶺南西川今江南亦有種之最難長初生葉如白芟葉長高二三尺則木端數葉大如扇上聳四散岐裂大者高一二丈葉有大如車輪者其莖三稜稜邊如刺四時不凋幹正直無枝近葉莖處有皮裹之每長一層即為一節幹身赤黑皆筋絡可為鐘杵亦可旋為器物其皮有絲毛錯綜如織剝取縷解可織衣帽褥椅鍾盃之屬大為時利每歲必兩三剝之否則樹死或不長剝之多亦傷樹三月於木端莖中出數黃苞苞中有細子成列乃花之孕也狀如魚腹孕子謂之櫻魚亦曰櫻筍漸長出苞則成花穗黃白色結實纍纍大如豆生



黃熟黑甚堅實木有二種一種有皮絲可作繩一種小  
 而無絲惟葉可作帚以為王簪者非 高士傳方銘隱  
 天門山以櫻欄葉拂書號曰無塵子 羣芳譜櫻皮作  
 繩入水千年不爛昔有人開塚得一索已生根 坡詩  
注櫻笋狀如魚子味如苦筍而加甘芳蜀人以饌佛僧  
 甚貴之而南方不知也筍生清羸中蓋花之方孕者正  
 二月間可剝而取過此苦澁不可食灸取之無害於木  
 而宜於飲食法當蒸熟所施客與竹筍同蜜煮醋浸可  
 致千里外 埤雅廣要蜀錦城之南有海棕焉幹猶龍  
 鱗枝猶鳳尾高百餘尺相傳繇李唐來閱千稔 益部  
 方物畧記海櫻大抵櫻類然不皮而餘葉叢於杪至秋

本草 桃榔

本草 桃榔一名姑榔一名麵木一名董櫻一名鐵木  
蜀志興古南漢縣有桃榔樹有麩大者至百斛 廣志  
 桃榔樹大四五圍長五六丈洪直無枝條其顛生葉不  
 過數寸似楸欄其子作穗生木端其皮可作纜得水則  
 柔韌胡人以此聯木為舟皮中有骨如麵赤黃色多者  
 至數斛蜜製可食與常麵無異 嶺表錄異桃榔木枝  
 葉竝茂葉下有鬚如麤馬尾廣人采之以織巾子其鬚  
 尤宜鹽水浸漬即麤脹而韌以此縛船不用釘線木性  
 如竹紫黑色有文理工人以制博奕局又其木剛作菱



鋤利如鐵中石更利惟中蕉柳致敗爾北戶錄枕榔

莖葉與波斯聚古散古散椰子檳榔小異其木如荔

樹皮釀木皮出麵可食洛陽蘇頌記云昭儀寺有酒樹

麵木得非桃榔乎其心為炙滋腴極美海槎餘錄桃

榔木類紵櫟樹樹杪挺出數枝每枝必贅青珠數條每

條不下百餘顆計一樹可得青珠百餘條團團懸掛若

傘蓋可愛也其木最重番船用為鎗以代鐵其鋒銳俾

於鐵也色類花梨而多綜紋

花欄

本草欄木出安南性堅紫紅色有花文者謂之花欄可

作牀几扇骨為枕令人頭痛性熱故也格古要論花

梨木出南番廣東色與降真香相似亦有香其花有鬼

面者可愛花蠶而色淡者低廣人多以作茶酒盞琴

芳譜欄木色似紫檀有花紋者謂之花欄俗作花梨者

非博物要覽花梨樹葉如梨而無花實肌理細膩可

作器具亦有花紋成山水人物花鳥形者名花梨影木

鐵力

格古要論鐵力木出廣東色紫黑性堅硬而沉重東莞

人多以作屋手鏡蠻地多山產美梓鐵栗木居多有

力者任意取之故人家治屋咸以鐵栗等良材為之方

堅且久若用雜木多生蛀蟲大如吳蠶日夜齧梁柱中

磔磔有聲不五年間皆空中遂至傾倒其鐵栗有參天



徑丈餘者廣州人多來採製椅桌食隔等器鬻於吳浙間可得善價

諸木

淮南王木譜櫟木生周公塚上其葉春青夏赤秋白冬黑以色得其正也楷木生孔子塚上其餘枝疎而不屈以質得其直也花木考楷木出曲阜孔林紋如貫錢有直性無橫性製為杖可以戒暴王世懋東遊記子貢楷大倍他楸栝而不蝕真古木也五雜俎曲阜孔林有楷木相傳子貢手植者其樹十餘圍今已枯死其遺種延生甚蕃其芽香苦可烹以代茗亦可乾而茹之其木可為笏枕及棋枰云敲之聲甚響而不裂故宜棋

也梳之無惡夢故宜枕也此木聖賢之遺跡而守土之

官日逐採伐制器以充饋遺今其所存寥寥反不及商

丘之木以不才終天年不亦可恨之甚哉西陽雜俎

蜀中有木類柞衆木榮時如枯槁隆冬方萌芽布陰蜀

人呼為楷木詩疏園有棘棘酸棗也爾雅栲山栲

注栲似栲色小白生山中因名云亦類漆樹詩疏栲

葉似櫟木皮厚數寸可為車輻或謂之栲櫟許慎正以

栲讀為櫟今人言栲失其聲耳爾雅栲櫟注似櫟細

葉葉新生可飼牛材中車輻關西呼栲子一名土樞

詩疏栲櫟也葉似杏而尖白色皮正赤為木多曲少直

枝葉茂好華如棟而細蓋正白蓋此樹今官園種之正



名曰萬歲。既取名於億萬，其葉又好，故種之。或謂之牛筋，或謂之櫨。材可為弓弩幹也。〔埤雅〕釋木云：櫨羅櫨，一名羅。其文細密如羅，故曰羅也。又有白者，赤羅，文棘，白羅，文緩。雖皆所謂文木，然而赤羅為上。棟謂之綾，杉謂之紗。櫨謂之羅。羅亦有華者，俗謂之羅。錦羅猶言杉錦。棟綾也。羅錦明杉錦，暗今虜人有棟綾器，其文如綾綺狀，又下於杉錦矣。〔詩疏〕柯樹，山木，其狀如櫨，一名柯骨。高大如白楊，所在山中皆有。理白，可為函板。枝柯不直，子著枝端，大如指，長數寸，噉之甘美，如飴。八九月熟，江南特美。今官園種之，謂之木蜜。古語云：柯樹來巢，言其味甘，故飛鳥慕而巢之。本從南方來，能令酒味

薄。若以為屋柱，則一屋之酒皆薄。〔物類相感志〕柯樹，江南謂之白石樹。詩所謂南山有柯是也。〔廣志〕木蜜樹，號千歲，根甚大，伐之四五歲乃斷，取不腐者為香。生南方，蜜可食。〔詩疏〕其形似荆，而赤莖，似蒼上黨人織以為斗筲箱器，又採以為釵。故上黨人調問婦人欲買，楮否曰：竈下自有黃土，問買釵否曰：山中自有楮。唐書：萬歲登封元年春，封嵩山，御朝觀壇，受朝賀，登封壇南有榭，樹大，蔽日於其杪，置金雞，改名為金雞。羣芳譜：漆，一名漆，似榎而大，樹高二三丈，餘身如柿皮，白葉似椿花，似槐子，似牛李子，木心黃，生漢中山谷，梁益、陝、襄、欽州皆有。金州者最善。廣州性急，易燥。〔格物〕



論漆樹汁可以髹物以竹筒釘入木中取之入多種於山谷間。花木考。自濟西南海中有三島出黃漆樹似小椶樹而大六月取汁漆器物若黃金其光奪日。南。方草木狀棹樹。幹葉俱似椿以其葉煮汁漬果呼為棹汁。若以棹汁雜燕肉食者即時為雷震死出高涼郡。紺珠棹汁唯可染絳。花木考。柳州之木儲為貴其為樹四時無改柯易葉質性堅於檜柏伐而材之雖百歲雨淋日炙弗蠹弗腐作屋置以當風雨之衝棺在土與石柳敵此櫛之所以為貴也。儲樹歲結子其子小者小於榛味如之大者大如榛而味苦土人取為果實謂小實者為圓珠櫛。大者苦珠櫛。以此分二種其材固無異。

也按山海經前山其木多韋音注謂其樹作子可食冬夏恒青作柱難腐。韋豈即此櫛耶。羣芳譜。檀椽栗之屬生閩廣江右山谷間樹易成材亦堅韌實如椽斗無刺子或一二或三四似栗而殼薄仁皮色如榧肉如栗味苦多膏油。杜工部詩。石櫛徧天下。水陸兼浮沈。注。櫛木名石櫛子如芎藭其皮可以禦饑時天下荒亂小民轉溝壑水陸竝載石櫛以充糧。蜀記。慈木樹高十餘丈洞四五圍樹顛生葉兩邊行列如飛鳥翼皮中有白麩石許磨屑可作飯呼為慈麩。輕滑勝桃榔麩。吳錄。交趾有櫛木。其皮中有如白米屑者乾之水淋之似麩可作餅。楊慎云櫛即桃榔張爾公云櫛即慈木非桃榔也。山海經。囊山多



櫛木郭注今蜀中櫛木七八月中吐穗穗成如盞粉

廣志柯木生廣南山谷可為船舫一名木拏南越志

威寧縣有穿州其上多綸木似穀皮可以為綿嶺表

錄異抱木葉細如檜身堅類柏唯根軟不勝刀鋸今潮

循人多用其根剝而為履當木濕時刻削易如割瓜木

乾之後柔刀不可理也或油畫或漆其輕如通草暑月

著之隔卑濕地氣力如杉木今廣州諸郡牧守初到任

皆有油畫抱木履也酉陽雜俎武陵郡北有鹿木二

株馬伏波所種木多節九域志金城山上有韓木乃

文公所植不知其名士人觀其花之疎密以知登第之

多寡王會篇卜人以丹砂夷用闕木注木生水中黑

色而光堅若鏡古今注鑿木出交州色黑有文亦謂

之烏文木博物要覽烏木出海南南蕃雲南葉似棕

櫚性堅老者純黑色且脆問道者嫩今偽者多是繫音

木染成作筋格古要論凌木出廣西四川色黃紋理

稍黑花紋細者可愛直理者多性最柔可圈素新者有

香甚濁事物紺珠蘇木出海南樹似菴蘿葉似榆抽

條長丈餘花黃子初青熟黑木赤可染絳博物要覽

蘇木樹類槐出九真煎汁忌鐵器則色黯其木蠹之糞

名曰紫納亦可染絳容齋隨筆杭木今饒州處處有

之莖幹不純是木小人爭鬪者取葉按擦皮膚輒赤腫

如被傷以誣人至和鹽擦卵則又染其外若赭色也



物類相感志 栲木出豫章煎其皮甚赤用以藏卵使不壞爾雅謂栲魚毒是也 硯北雜志 峽川黃牛廟後鬱木似冬青落葉似符篆不同 格古要論 樛木出湖廣及江西南安萬羊山木色白紋理黃花紋麤亦可愛謂之倭樛不花者多有一等稍堅理直而細謂之草樛俗呼曰椽木 事物紺珠 樛木似椿莖間有刺子辛如椒南人淹藏為果 花木考 強木造船其上多飾珠玉以為遊戲強木不沉木也方一寸以百斤巨石縋之終不沒 名義考 世傳木蘭舟不知木蘭是何物陶隱居云似欄木皮甚薄而味辛香相如傳注如椒而香可作面膏或云與桂同或云桂中之一種玉篇 欒木蘭也 穆

天子傳 天子釣於河以觀姑絲之木 注 姑絲大木也 汲冢周書 白州比閭其華若羽伐其木為車終行不敗 南州異物志 木有孽廚生于斯調國其汁肥潤其澤如脂膏馨香馥郁可以煎熬食物香美如中國所用油 三輔黃圖 漢有粉詣宮粉 音詣 水名 宜都山川記 浪山有異木人無見其朽者其名千歲葉似棗色似桑冬夏青貞強少節目 蜀都賦 注 交讓木名兩樹對生一樹枯則一樹生如是歲更終不俱生俱枯也出岷山在安都縣 拾遺記 晉人為介之推起思烟臺種仁壽木似栢而枝長柔軟其花堪食呂覽云木之美者有石壽之華 孔光傳 賜太師靈壽杖云靈壽木名似竹



有節長不過八九尺圍三四寸自然有合杖制不須削  
 治也。詩疏：楸橫節中腫以扶老，今靈壽是也。今人以  
 為馬鞭及杖，弘農共北山甚有之。西陽雜俎：無患木  
 燒之極香，辟惡氣。一名噤婁，一名栢昔，有神巫曰瑤眊  
 能符効百鬼，擒魘魅以無患木擊殺之。世人競取此木  
 為器用，却鬼因曰無患木。纂異文：無患木名也，實可  
 以去垢核，黑如堅櫨，無患木子，僧家貫之為念珠，惟取  
 紫紅色小者佳。博物要覽：櫨子木生山中，樹甚高大，  
 枝葉皆如椿，其葉對生，五六月開白花，結實如彈丸，生  
 青熟黃，老則文皺黃，時肥如油，燻之形味辛氣膈且硬，  
 其蒂下有二小子相粘承之，實中一核，堅黑如珠，其子

可作素珠，碾碎可洗真珠。西陽雜俎：通脫木如蟬麻  
 生山側，花上粉，主治惡瘡，如空中有瓢，輕白可愛，女工  
 取以飾物。寰宇記：嶺南容州有勾芒木，可以為布，里  
 人斫之，新條更生，取之績以為布。格古要論：人面木  
 出鬱林州，春花夏實，秋熟兩邊似人面，故以名之。事  
 物紺珠：接骨木高一二丈，花葉似芹，木輕虛，無心，斫枝  
 插土便生，一名木葫蘆。葦苑：枳椇，即圖經所謂接骨  
 木也。事物紺珠：龍骨木，根如杯捲，幹如臂而扁，皮青  
 翠，花黃，心紅，嫩根身有刺，斷之有汁，可編籬，又名火殃  
 樹、烽火木。格古要論：虎斑木，出海南，其紋理似虎斑  
 故名。鴻鵠木，出西蕃，其木一半紫，褐色內有蟹爪紋，一



半純黑如烏木有距者價高西蕃作駱駝鼻中紋子不  
 染肥膩嘗見有作刀靶者不見其人者 西陽雜俎臺  
 山有色綾木其理如綾紋人取以為枕呼色綾枕 松  
 漠記開 檫榆木多有文縷可愛多用為枕 羅浮山記  
 男青條蕊之屬莫不朱色尤易植立折插土中因便開  
 榮 彙苑 女青亦木名見道藏有女青鬼律 湘烟錄  
 女青烏葛也見張揖廣雅一名雀鬚生朱崖見本草  
 叙州府志黃葛木其形如眾藤連理合而為一大者合  
 抱高數丈葉如橡葉喜緣崖壁生壅腫屈曲不為材用  
 韻書云壽可千歲 錦繡萬花谷 忠州景德觀前有古  
 木大數十圍枝柯盤鬱如蓋山中人云此黃葛木千年

物也 格古要論 赤水木色赤紋理細性稍堅且脆極  
 滑淨 事物紀原 臘脂木色如臘脂堅緻可斲作艾子  
 木高竦花黃葉小子若黃麻之曰艾油 花木考 放杖  
 木生温括睦葵山中樹如木天蓼老人浸酒服之一月  
 放杖故以為名也 陸游入蜀記 石端義者性殘忍每  
 捕官吏繫獄輒以石鹽木枷枷之石鹽木蓋木之至堅  
 重者每曰木名石鹽天生此為我用也其後石坐罪竟  
 荷校云 南越志 廣州有樹可以禦火山北謂之慎火  
 或謂之戒火多種屋上以防火也但南中無霜雪故成  
 樹 伏琛齊地記 東武城東南有勝火木經野火燒炭  
 不滅故東方朔謂為不灰之木 太平寰宇記 不灰木



俗多為錠子燒之成炭而不灰出膠州葉如蒲草束以  
為燎俗呼為萬年火把開山圖徐無山出不灰之木  
其木色黑似炭而無葉花木考圖經曰不灰木出上  
黨今澤潞山中皆有之蓋石類也其色青白如爛木燒  
之不然以此得名或云滑石之根也出滑石處皆有亦  
名無灰木採無時今處州山中出一種松石如松幹而  
實石也或云松久化為石人家多取以飾山亭及琢為  
枕雖不入藥然與不灰木相類故附之輟耕錄回紇  
野馬川有木曰鎖鎖燒之其火經年不滅且不作灰彼  
處婦女取根置帽入火不焚如大鼠布云子虛賦鮮  
支黃礫師古注鮮支即今支子樹也花木考富家則

種椰子一千株或二三百株為產業其椰子有十般取  
用嫩者有漿甜可食又可釀酒老者肉打油做糖或做  
飯外衣打索造船殼為椀為酒鍾又好燒酒灰打晒金  
銀細巧生活樹好造屋葉堪蓋屋出柯枝國格古要  
論椰子木出廣西梧州府鬱林州樹似檳榔實大如瓜  
堪為飲器文選曰檳榔無枝椰葉無陰檳榔亦出廣西  
鬱林州樹如棕櫚高七八丈其實尖者為貴與石灰同  
食令人齒黑故有雕題黑齒之俗實能辟瘴氣故土人  
日日早食客至傳以相待庶物異名疏魏正花木志  
君遷樹細似甘蕉子如馬乳一日子如瓠形即古度樹  
也不花而實子從皮出大如安石榴正赤初時可煮食



司馬溫公名苑云君遷子如馬嬾俗云牛嬾柿是今之  
造扇用此〔北戶錄〕蟲母木卽南越志所云古度樹一  
呼那子南人號曰柁實從木皮中出如綴珠瑤大如櫻  
桃黃卽可食過則實中化蛾飛出亦有爲蚊子者〔國  
史補〔嶺南有蚊樹似枇杷樹皮裂蚊紛然而出〕魏王  
花木志〔都橋樹出九真交趾野生三四月開花赤色子  
似木瓜八九月熟〔薛榮荆揚異物志〕棕子樹南越丹  
陽諸郡皆有之實如梨冬熟味酢〔雷子樹七八月熟核  
堅味與榛子同〔事物紺珠〕棕子樹葉似柿兩葉相當  
子圓細如牛李生青熟黑材中車輞〔交州記〕都句樹  
似柁欄木中出層如麪可啖〔天業拾遺〕南海郡送都

念子樹一百株勅汴西苑十六院內種此樹高一丈許  
葉如楊枝柯長細花金色花葉正赤似蜀葵而大其子  
小於柿子甘酸至美蜜漬爲粽益佳〔資暇錄〕豆有圓  
而紅其首烏者舉世呼爲相思子卽紅豆之異名也其  
木斜斫之則有文可爲彈博局及琵琶槽其樹大株而  
白枝葉似槐其花與阜茨花無殊其子若穉豆處於甲  
中通身皆紅李善云其實赤如珊瑚是也〔格古要論〕  
金剛子木出海南安南六楞遍身花紋深細可愛堅且  
實故名金剛子作素珠冬月不冷手大者如榛子小者  
如梧桐子亦有如圓眼大者〔大理府志〕念珠樹在城  
北五十里每穗結實百八枚昔李賢者寓周城主人其



家婦產難賢者摘念珠一枚使吞之珠在兒手中擊出  
 藥珠之地叢生珠樹 [香譜]丁香生東海及崑崙國二  
 三月花開七月方結實 [本草注]丁香生廣州樹高丈  
 餘凌冬不凋葉似櫟而花圓細色黃子如丁長四五分  
 紫色中有粗大長寸許者俗呼為母丁香擊之則順理  
 而折味辛主風毒諸腫能發諸香及止乾霍亂嘔吐驗  
 [酉陽雜俎]阿魏出伽闍那國即北天竺也伽闍那呼  
 為形虞亦出波斯國波斯呼為阿虞截樹長八九丈皮  
 青黃二月生葉形似鼠耳無花實斷其枝汁出如飴久  
 乃堅凝拂林國僧變所說同摩伽陀國僧提婆言取其  
 汁和米豆屑合成阿魏 [唐本草]薰渠即阿魏別名

元飲磨正要阿魏根名穩展性臭能止臭和食料甚香  
 美 [一統志]三佛齊出阿魏樹不甚高土人納竹筒於  
 樹梢脂滿其中冬月破筒取脂即阿魏也或曰其脂最  
 毒人不敢近每採時繫羊於樹下自遠射之脂著於羊  
 羊斃即為阿魏 [五雜俎]俗云黃金無假阿魏無真阿  
 魏生西域中一名合昔泥其樹有汁沾物即化人多牽  
 羊豕之類繫樹下遙以物撼其樹汁落則羊豕皆成阿  
 魏矣樹上之汁終不可得故云無真也 [本草]雷斅云  
 阿魏驗法有三第一以半銖置熟銅器中一宿至明沽  
 阿魏處白如銀汞無赤色第二以一銖置五斗草自然  
 汁中至明如鮮血色第三以一銖置柚樹上樹立乾即



是真者研細熱酒器上裹過入藥  
〔玄覽〕枸杞千歲為  
犬子  
〔事物紺珠〕枸杞枝幹高三五尺葉如榴葉而薄  
軟可食  
〔花木考〕三佛齊產沒藥樹高大如松皮厚二  
三寸採時掘樹下為坎用斧伐其皮脂流於坎旬餘方  
取之淳泥漚片腦樹如杉檜取之者必齋沐而往其成  
片似梅花者為上其次有金脚連腦米腦蒼腦札聚腦  
又一種加泗名腦油  
〔花木考〕片腦產暹羅諸國惟佛  
打泥者為上其樹高者二三丈葉如槐而小皮理類沙  
柳腦則其皮間凝液也好生窮谷島夷以鋸付梳就谷  
中尺斷而出剝而採之有大如指厚如二青錢者香味  
清烈瑩潔可愛謂之梅花片腦至中國擅翔價焉復有

數種亦堪入藥乃其次耳  
〔五雜俎〕血竭一名麒麟竭  
出南番中廣州亦有之樹高數丈葉似櫻桃而有三稜  
形液滴下如膠餈狀久而堅凝色如乾血又能破積血  
止金瘡血故以血竭名也一云是紫蠟樹之脂驗者以  
透指甲為真  
〔事物紺珠〕杜仲高數丈葉如柘皮如厚  
朴折之白絲相連厚朴高三四丈徑一二尺葉如柳不  
凋紅花青實皮鱗皴而厚紫色  
〔一統志〕鄂南有淨  
樹三月間花如桃花八月結實如小栗殼中皆黃土相  
傳鳩摩羅什覆屨於土中所生故名淨土  
〔西京雜記〕  
上林苑有千年長生樹十株萬年長生樹十株  
〔洛陽〕  
宮殿簿明光殿前長生二株含章殿前長生一株  
〔晉〕



官閣名華林園長生六株萬年殿前長生二株鄴中  
記金華殿後有皇后浴室種雙長生樹枝條交於椽上  
團團車蓋形冬日不凋葉大如掌至八九月乃生華華  
已白子赤大如橡子不中啖也世人謂之西王母長生  
樹太平廣記楚國王仲先聞潘章之美因願為友遂  
同衾枕情踰侖僮未幾偕沒其家憫之合葬於羅浮山  
忽生一樹柯條枝葉無不相抱時人號曰共枕樹晉  
宮閣名華林園中有君子樹三株太平御覽君子樹  
似種松曹爽樹之於庭事物紺珠慈母樹高丈餘葉  
如櫻桃而小五侯鯖羅漢樹有雌雄雄者開花雌者  
結子子細腰似葫蘆魏北雜志杜子美舊居在秦州

東柯谷今為寺山下有大木至今呼為子美樹李紳  
詩亭新昌宅書堂前有藥樹一株今已盈拱前長慶中  
於翰林院西軒藥樹下移得纔長一寸僕夫封一泥圓  
以歸植今則長成名之曰天上樹潛確類書肉樹端  
溪猪肉子也大如杯炙而食之味如猪肉而美麩樹南  
中桃榔也酒樹椰也華夷花木考弓樹在全羅道光  
州南門外枝幹輪囷大數十圍高七十餘尺邑人以發  
葉早晚占年之豐歉今枯爾雅樸檉心注樸檉一名  
心樸檉斛檉也有心能濕江河間以作柱五侯鯖白  
麩檉也燒之其烟與池米異直上如線高五七丈不  
絕南方草木狀文木樹高七八尺色黑如水牛角



棧至錄原卷三十一  
葉苑詳註石帆海樹也紫黑色其根株著實其枝柯如鐵纜相勾聯高一二尺許疑以其扁薄如帆故呼為石帆今人取置花盆中以為玩事物紺珠紫珠樹似黃荆葉小無極子紫員如小珠玄中記東海有樹名為白蒙其汁可為脂色白味甘本草拾遺旁其烏藥也李時珍云烏以色名其葉狀似鱗鮓故俗呼為鱗鮓樹旁其方音訛也陳藏器云樹生似茶高丈餘一葉三極葉青陰白狀似山芍藥及烏樟根色黑褐作車轂紋橫生直根者不堪用西陽雜俎昔婁約居常山拓禪座有野嫗手持一樹植之於庭言此是蜻蜒樹歲久芬芳鬱茂有一鳥身尾長常止息其上五侯鯖蝴蝶樹高

三五尺葉皺而有稜春暮盛開山谷間有之爾雅魄椶櫨注魄大木細葉似檀今河東多有之齊人諺曰上山斫檀椶櫨先殫椶一作挈詩義疏繫迷一名挈椶唐本草繫迷名菴蕪蘇恭云葉似木槿及榆作小樹子如疏漉兩兩相對而色赤味甘廣志繫迷樹子色如糯粟可食花木考山野有一等樹名為沙孤樹人將此樹皮如中國葛根搗浸澄濾取粉作丸菴荳大曬乾而賣名沙孤米可做飯食出蒲喇加國何氏天啓集永明寺詩注云柴干樹名因土人所名亦不知何木也詩云山樹柴與于南客曾不省云最難長大我見剎那頭二太平廣記俱那衛葉如竹三莖一層莖端分條如貞

各皮錄卷三十一 木類 諸木



桐花小類木櫛出桂州羅浮山記那箇外國樹英花紅粉至可玩愛本草別錄漫疏生熊耳川谷一名楊櫛一名牡荆一名空疏樹高丈許皮白中空時時有節子似枸杞子冬熟赤色味甘苦末代乃無識者此非藤援之楊櫛也林邑記播核樹柯葉發根下虛中森羅望之似懸髮庶物異名疏陶隱居別錄云喬予生霍山吳普云葉如桃箭如羽蘇恭云莖長四五尺許其幹有三羽狀如箭翎葉似山茶青色其木亦名狗骨釋名云齊人曰衛所以爲名事物紺珠蕤核樹高五七尺莖自衛之狀故以爲名事物紺珠蕤核樹高五七尺莖間有刺葉似枸杞花白子紅紫似五味子物類相感

志必栗香樹形如椿生商山殺蟲魚葉擣碎置上流魚悉暴腮其木堪爲書軸白魚不敢犯之花木考做打麻本是一等樹枝落膠汁土內掘出如松歷青樣火點卽著番人皆以此物作燈點照光番船造完則漆此物塗抹於外水不能入彼人多採取賣內有明淨好者似金珀一般若損都盧斯有番人做成帽珠而賣水珀卽此物也出滿喇加國太平廣記阿驛波斯呼爲阿驛拂林呼爲底欄樹長丈四五枝葉繁茂葉有五出似蟬麻無花而實實赤色類蟬子味似乾柿而一年一熟事物紺珠無石子樹一名沒石子出波斯高六七丈圍八九尺葉似桃而長白花心微紅子如彈丸初青熟黃

各文通原卷之七 木類 諸木



一年生無石子一年生跋屢子殼大如指長三寸子如栗可噉翻譯名義集南印建那補羅國北不遠有多羅樹成林三十餘里其葉長廣其色光潤諸國書寫莫不採用天中記洛陽翊津橋通翻經道場其道場有婆羅門僧及身毒僧新翻諸經其經本從外國來用貝多樹葉書貝多葉長一尺五六寸濶五寸許葉形似琵琶而厚大橫作行書隨經多少縫其一邊帖帖然西陽雜俎貝多出摩伽陀國長六七尺經冬不凋此樹有三種一者多羅婆刀義多二者多梨婆刀義貝多三者部婆刀義多羅多梨竝書其葉部闊一色取其皮書之貝多是梵語漢翻爲葉貝多婆刀義者漢言樹葉也西

域經書用此三種皮葉若能保護亦得五六百年嵩山記稱貝多葉似枇杷竝謬交趾近出貝多枝林中第一緬甸軍民志有樹類櫻高五六丈結實大如掌土人以麩納罐中而以索懸其罐於實下劃其實取汁流於罐以爲酒名曰樹頭酒或不用麩唯取其汁熬爲白糖其葉卽貝葉寫緬書用之嵩山記嵩高寺中有思惟樹卽貝多也如來坐貝多下思惟因以名焉魏王花木志思惟樹漢時有道人自西域持貝多子植於嵩之西峯下後極高大有四樹樹一年三花西陽雜俎菩提樹出摩伽陀國在摩訶菩提樹寺蓋釋迦如來成道時樹一名思惟樹莖幹黃白枝葉青翠經冬不凋至佛

木類 諸木



入滅日變色凋落過已還生此日國王人民大小作佛  
事收葉而歸以為瑞也樹高四百尺下有銀塔周迴遶  
之彼國人四時常焚香散花遶樹下作禮此樹有梵名  
二一曰寶撥梨婆刀義二曰阿濕曷咄婆刀義西域記  
謂之畢鉢羅以佛於其下成道即以道為稱故號菩提  
婆刀義漢翻為道樹天台志山有菩提樹相傳西天  
梵僧遊化遺此種樹如柿花亦大同未結藥先乃別抽  
一葉長指半許潤兩指色白而光潤乃結藥於葉下日  
則覆子以蔽穢夜則捧子以承露秋社後取子為珠十  
百中必有一二如羅漢者謂之佛頭他處所生則無之  
若西天佛菩提樹智藥三藏移植於廣州光孝寺者其

樹不花不實經冬不凋葉之筋脉細緻如絹廣人每用  
此為燈為花為蟬蟲之翼則與此大不相類酉陽雜  
俎巴陵有寺僧房牀下忽生一木隨伐隨長外國僧見  
曰此婆羅也元嘉初出一花如蓮遊名山記華山朝  
元洞下院有老君殿其前婆羅樹數百年物視其子類  
栗道士云灰之服以酒可愈心痛益部名物記贊沙  
羅樹花在峨眉山難移樹葉似柿葉葉相讓樹皮如玉  
蘭色葱白最潔鳥不棲蟲不生潛確類書唐天寶初  
安西道進娑羅樹狀云此木不庇凡草不止惡禽如得  
托根長樂擢穎建章布葉垂陰比月中之丹桂連枝接  
影對天上之曰榆華夷花木考娑羅樹出西番海中



溇州官圃一株甚巨每枝生葉七片有花穗甚長而黃  
如栗花秋後結實如栗可食正所謂七葉樹也今餘杭  
南安寺前二株左右對植甚茂問之土人皆不知其名  
一僧乃云相傳娑羅樹番僧所植者此不謬矣唐李龜  
姿羅樹碑云惡禽不集凡草不庇東齊則青郊苦而歲  
不稔西茂則白蕪泰而秋有成是也第以段成式之博  
雅而曰花開如蓮則大悖耳其樹詳於佛書維摩詰經  
有菴羅樹唐會要云菩提樹一名波羅樹葉似白楊卽  
思惟樹一名成道樹西域記名畢鉢羅又雙樹名娑羅  
樹其花名娑羅法今所稱婆羅法門也蓋娑婆音同故  
五言之耳今月中樹影皆曰閻浮山娑婆樹影卽此歐

陽木叔娑羅樹詩云伊洛多奇木娑羅舊得名常於佛  
家見宜在月中生一解醒語至元間馬八兒國入貢菴  
羅樹十株花葉似棗實似李味佳一統志真臘國有  
婆田羅樹花葉實俱畧似棗又有歌畢陀樹花似林檎  
葉似榆而厚大實似李花木考黎州通望縣有銷樟  
院在縣西一百步內有天王堂前古柏樹下有大地池  
南有娑羅錦樹三四人連手合抱方匝先生花而後生  
葉其花盛夏方開謝時不肯而墮宛轉至地其花葉有  
綿謂之娑羅綿善政鬱茂違時枯凋霏雪錄波羅蠶  
樹如荔枝樹差大皮厚葉團有橫紋小枝附樹身而生  
一枝含數實花落實出大如斗皮亦似荔枝有刺類佛



首螺髻之狀肉若烽房近子處可食與熟瓜無異而風韻過之如肥早核大亦可燭食味似豆春生秋熟交人珍之

海槎餘錄波羅蜜樹類冬青而黑潤倍之幹至斗大方結實多者十數少者五六顆皆生於根幹之上狀似冬瓜外結厚皮若栗蓬多棘刺方熟時可重五六斤去外殼內肉層疊如橘囊以其甘如蜜故云

國語家猷南滇夷島產木有堅如石支橫銀屑者夷名曰伽陀羅余愛其堅又貴其異遂用作琴

楊慎外集拘尼瓶樹花見月光即開無憂樹女人觸之花方開婆羅娑樹其實如瓔事物紺珠波羅奢華葉青色華有三色日未出時則黑日正中則赤日沒則黃樹汁染皮氈名

紫礦西京雜記上林苑有白銀樹黃銀樹扶老樹金明樹搖風樹鳴風樹琉璃樹離婁樹華夷花木考繫鉢樹出真臘國呼為勒佉亦出波斯國樹長一丈枝條鬱茂葉似楠經冬不凋三月開花白色不結子天大霧露及雨霑濡其樹枝條即出紫鉢波斯國使烏海又沙利深所說竝同真臘國使折衝都尉沙門陀沙尼披陀言蟻運上於樹端作窠蟻壤得雨露凝結而成紫鉢崑崙國者善波斯國者次之

李紳詩注琪樹垂條如弱柳結子如碧珠三年子乃熟每歲生者相續一年者綠二年者碧三年者紅綴條上堆錯相間

一鏡志王世懋游匡廬山記寶樹在上大林寺去天池與行可四里



而遙幾及山麓矣樹有二其一亭亭道傍扶疏四垂妙  
好端正若浮屠所畫瓔珞琪樹者相傳一異僧自西土  
移來近忽出一癩作人狀僧輩以為大士像云其一生  
澗旁枝葉覆廡根出石間泉澗澗流其上樹之美故讓  
道旁者而所據勝不啻過之〔七修類藁〕予友烏鎮王  
天雨濟為橫州州判嘗云橫之馴象衛指揮殷貫家有  
盆樹一株高可三四尺幹葉皆紫黑色葉小類石楠質  
理細厚問於主人曰鐵樹也每遇丁卯年則花開四瓣  
紫白色如瑞香較少圓耳一開累月不凋嗅之有草氣  
予以諺以事難成者則曰須鐵樹開花然則果有此樹  
耶〔華嚴經〕如雪山頂有藥玉樹名無盡根〔酉陽雜〕

〔組〕沒樹出波斯國拂林國人呼為呼遶音樹長丈餘皮

青白色葉似槐而長花似楠花而大子黑色如山菜黃

酸甜可食〔北史〕琉球國居海島多鬪鏤樹似楠而葉

密條纖如髮之下垂纖鬪鏤皮弁維毛以為衣〔事物〕

紺珠纏花樹出天方國如中國大桑其花一年三發長

生不枯〔酉陽雜俎〕婆律國有婆律樹高八九丈可六

七尺圍瘦者出龍腦香香在木心肥者出婆律膏膏在

木端齊椰樹出波斯國亦出拂林呼為齊厘陽兮樹長

二三丈皮青白花似柚極芳香子似楊桃六月熟西域

人壓為油以煮餅果如中國之巨勝也呼勃參出拂林

國長一丈餘皮青白色葉細兩相對花似芎藭正黃子



似胡椒赤色研其枝汁如油以塗疥癬無不瘥者其油  
極貴價重於金槃碧。穠波樹出波斯國亦出拂林國拂  
林呼爲羣。漢樹長三丈圍四五尺葉似細榕經寒不凋  
花似橘白色子綠大如酸棗其味甜膩可食西域人壓  
爲油以塗身可出風疥

格致鏡原卷六十六終

卷六十七

木類四

異木

附竹總論

種竹法







所贖

音沸也

拾遺記 祈淪國有壽木之林一樹千尋日

月為之隱蔽若經憇此木下皆不死不病瀛州有影木

日皆視之則一葉百影花有光夜如列星萬年一實其

大如瓜 山海經 密山上多丹木圓葉而赤莖黃花實

如飴食之不饑玉膏灌丹木丹木五歲五色乃清五味

乃馨 神異經 東南荒中有椰木焉其枝喬直上二百

歲葉落而生花花影如甘瓜後二百歲一落盡而生萼

下生子三歲而成熟成熟之後不長不減子形如寒瓜

此實不取萬世如故若取不子而留萼萼復生子如初

瓢甘美如蜜食之令人身澤不可過三升令人冥醉半

日乃醒一名無葉一名倚驕一名綺縞 拾遺記 燧明

之國不識晝夜土有燧木後世聖人游於日月之外以

食救物至於南垂觀此燧木有鳥類鸚喙其枝則火出

取以鑽火號燧人氏在庖羲氏之前蓋火山國也 吳

越春秋 越王得神木一雙大二十圍長五十尋陽為文

梓陰為楸柎巧工施校制以規繩雕治圓轉刻削磨礪

分以丹青錯畫文業夢以白璧鑲以黃金狀類龍蛇文

彩生光乃使大夫種獻之於吳王 物類相感志 射木

根如生人長七尺刻之有血以其血塗足下可以步行

水上不沒以塗鼻上入水則水為之開可以止住泉底

塗身則隱形欲見則拭去之 洞冥記 武帝常見彗星

東方朔折指星木授帝帝以木指彗星則沒 物類相



感志青榭木出外國漢武得之其木有膏如淳漆削置  
器中以蠟和之塗布然照數里之光洞冥記東方朔  
從西邠汗圃歸得風聲木寸枚獻帝長九尺大如指此  
木斷因榭之木禹貢所謂因榭是也其源出紺波樹上  
有紫燕黃鵠集其間實如油麻風吹枝如玉聲因以為  
各有武事則如金革之響有文事則如琴瑟之響上以  
枝遍賜羣臣臣有凶者枝則汗出臣有死者枝則折昔  
老聃在周世七百年枝未汗僅佗生於堯時三千歲枝  
未折帝乃以枝問朔朔曰臣已見枝三過枯死而復生  
豈汗折而已哉里語曰年未半枝未汗此木五千年一  
汗萬歲一枯緝雲之世生於阿闍間也杜陽編李輔

國有鳳首木高一尺雕刻鸞鳳之狀形枯槁毛羽脫落  
不甚盡雖凝寒之時置諸高堂大廈之中而和煦之氣  
如二三月故別名為常春木縱烈火焚之終不焦黑焉  
西陽雜俎倒生木依山生根在上有人觸則葉翦人  
去則葉舒出東海洞冥記明天發日香生香池寒國  
地有發日樹言日從雲出雲來掩日風吹樹枝拂雲開  
日光也亦名開日樹括地圖龍池之山四方高中央  
有池方七百里羣龍居之多五花樹羣龍食之西陽  
雜俎乾陀國頭河岸有繫白象樹花葉似棗柔冬方熟  
相傳此樹滅佛法亦滅釋典帝釋殿前員生樹梵語  
波利質多樹高一百絲旬枝葉覆五百絲旬寶花開時



天界自然嚴飾妙好能逆風香諸每天子夏月於樹下  
 宴息法華經謂之天樹王洪容齋隨筆行行相植莖  
 莖相望枝枝相准葉葉相向華華相順實實相當此無  
 量壽經所言天宮寶樹非塵世所有也博物志三珠  
 樹生赤水止其樹如柏葉皆為珠彙苑詳註海南下  
 畧者言有珠子樹其珠生於蚌中蚌生於樹上綴著不  
 解樹乃生於石石在海底蟹戶鮫人泗於水中鑿石得  
 樹其樹如楊柳枝良可愛淮南子禹以息土填洪水  
 以為名山掘崑崙虛以為下地一作中有增城九重上  
 有木禾珠樹玉樹璇樹不死樹在其西沙棠琅玕在其  
 東絳樹在其南瑤樹在其北北門開以納不周之風

述異記影娥池北作鳴禽之苑有生金樹破之皮間有  
 屑如金而色青亦名青金樹洞冥記元光元年起壽  
 福靈壇澗百步四周起銅梁銀堤水上列種垂龍之木  
 木似青栢有朱露色如丹汁灑其葉落地皆成珠其枝  
 似龍體倒垂亦曰傾紅樹亦曰珠枝樹西京雜記積  
 草池中有珊瑚樹高一丈二尺一本三柯上有四百六  
 十二條是南越王趙佗所獻號為烽火樹至夜光景常  
 欲然彙苑詳註光武時南海獻婦入珊瑚樹帝命植  
 於殿前謂之女珊瑚一旦柯葉甚茂至靈帝時樹死  
續仙傳謝玄卿遇神仙見丹柯碧葉微風時叩五音相  
 節云琅玕樹也莊子逸篇鳳凰所居積石千里河水



出下天為生食其樹名瓊枝高百仞以琳瑯為實天又  
為生離珠一人三頭遞臥迭起以伺琅玕莊子楚之  
南有冥靈者以五百歲為春五百歲為秋神異經南  
方大荒有樹名如何三百歲作花三百歲作實有核如  
棗子長五寸釜刀割則髓竹刀割則苦木刀割則酸蘆  
刀割則辛食之則得仙湖廣通志施州慢水寨有木  
客普舍樹普舍華言風流也昔覃氏祖於東門闕伐一  
異木隨流至地名那車復生根而活四時開百種花覃  
氏子孫歌舞其下花迺自落取而簪之他姓人往歌花  
不復落尤為異也物類相感志尸利沙樹生西域其  
果難生若昴星時果則生真誥仙道有絳樹青實服

之身化為金有赤樹白子服之身化為玉西京雜記  
終南山多合離樹葉似江離而紅綠相雜莖皆紫色氣  
如羅勒其樹直上百尺無枝上結蘂條狀如車蓋一青  
一丹瓊駁如錦繡長安謂之丹青樹亦云華蓋樹述  
異記辰州嵩溪有丹青樹土有五色葉圓如華蓋俗謂  
之五采樹山海經開明北有文玉樹一樹有五彩太  
極之山有采華樹服之則通萬國之言杜詩注額  
常樹無皮出肅慎氏之國聖人在位則木生皮可為衣  
其國朝貢中國成王時一生之其俗無衣聖帝代立  
物類相感志水仙樹腹中仙漿有飲者七日醉但令人  
翻轉過七日免爛即得壽五百歲南史頓遜國有酒



樹似安石榴採花得停瓮中數日即成酒 十州記聚窟洲海中未地有大樹與楓木相似而花葉香聞數百里名為返魂樹於玉釜中煮取汁如黑餘名之為返生香香氣聞數百里死屍在地聞氣仍活 述異記返魂樹伐其根心於玉釜中煮取汁又熬之令可丸名曰驚精香或曰震靈丸或名返生香或名卻死香 博物志員丘山有不死樹食之乃壽 洞冥記影娥池有女香樹細枝葉婦人帶之香終身不散 物類相感志阿叔迦樹生西域若女人摩觸花為之出不然則否 採蘭雜志頓遜國有淫樹花如牡丹而香種有雌雄必二種竝種乃生花去根尺餘有男女陰形以別雌雄種

必相去不遠二形晝開夜合故又以夜合為名又謂之有情樹若各自種則無花也 廣博物志海中有銀山生樹名女樹天明時皆生嬰兒日出能行至食時皆成少年日中成壯年日晚老年日沒死日出復然 文獻通考大食國海中石上有樹枝赤葉青上生小兒長六七寸見人則笑摘入手中即乾而黑名嬰彌樹 燕物異名疏白虎通曰賢不肖位不相踰則平路生於庭平路樹名也官位得其人則生失其人則死瑞應圖曰平路如蓋生於庭似四方之政王者不私人以官則四方之政平若東方政不平則西低北方政不平則南低西方政不平則東低南方政不平則北低四方政不平其



櫻若絲一曰兩平 拾遺記燕昭王種長春樹葉如蓮  
 花樹身似桂其花隨四時之色春生碧花春盡則落夏  
 生紅花夏末則凋秋生白花秋殘則萎冬生紫花遇雪  
 則謝 宋書孫皓天璽中臨海郡吏伍曜在海水際得  
 石樹高三尺餘枝葉紫色詰曲靡麗有光彩 洽聞記  
 唐永昌中台州司馬孟詵奏臨海水下馮義得石連理  
 樹三株皆白石天成 山海經放臯之山有木焉其葉  
 如槐黃華而赤實其名曰蒙木食之不惑大室之中山  
 有木焉葉狀如梨而赤理其名曰栝服之不妬東始之  
 山有木焉其狀如楊而赤理其汁如血不實其名曰芭  
 可以服馬以汁塗之則馬調良浮戲之山有木焉葉狀

如楊而赤實名曰充木食之不蠱 物類相感志東南  
 荒中有邪木高二三十丈葉如甘瓜子如寒瓜蔓覆其  
 頂子味甘如蜜食之令人身有澤不可過三升令人冥  
 醉半日乃醒唯多羅之民善緣能得之 山海經招搖  
 之山有木焉其狀如穀而黑理其花四照其名迷穀佩  
 之不迷少室之山有木焉其名曰帝休狀如楊其枝五  
 衢黃華黑實服者不怒 五衢言其枝交錯 符禺之山其  
 上有木名曰文莖其實如棗可以已聾侷者之山有木  
 焉其狀如穀而赤理其汁如漆其味如飴食者不饑可  
 以釋勞其名曰白蒼 音高可以血玉 血謂可用染玉作光  
 講山有木焉名曰帝屋葉如椒反傷赤實可以禦凶傷



刺也。陰山多雕棠，葉如榆葉而方實如赤菽，食之已聾。  
有木焉，名曰天楠，方莖而萎狀，服者不啜。食不。拾遺  
記：周靈王起昆昭之臺，聚天下異木得嶠谷陰生之樹，  
其枝千尋，文理盤錯，有龍蛇鳥獸之形。西陽雜俎：頓  
丘南有應足山，山上有一樹高十丈餘，皮青滑似流碧  
枝幹上聳子若五絲，囊葉如亡子鏡，世名之仙人獨板  
樹。庶物異名疏：寶連，潤達祥樹也。自虎逼曰繼嗣，分  
明則寶連生於房戶，連累相承，故在於房戶象繼嗣也。  
瑞應圖曰：王者嫡庶有序，男女有別，則寶連潤達生於  
房。

附竹

**總論** 說文：竹，冬生艸也，象形。禮月令：日短至則伐  
木，取竹箭。注：陰盛則材成，故伐而取之。大曰竹，小曰箭。  
爾雅：東南之美者有會稽之竹箭焉。注：竹箭，篠也。  
周禮：孤竹之管，孫竹之管，陰竹之管。注：孤竹，竹特生者。  
孫竹，枝根之未生者。陰竹，生山北者。家語：南山之竹  
不操自直。史記：渭川千畝，竹其入與千戶侯等。竹  
譜：竹得風其體大，屈謂之竹笑。天寶遺事：太液池岸  
有竹數十叢，牙筍未嘗相離，密密如栽也。帝呼為竹義。  
青瑣高議：寇萊公貶死於雷州，詔還葬，道過公安民  
皆迎祭，斬竹插地以挂紙錢而焚之，尋復生，筍成林，邦  
人神之，號曰相公竹。莊子：羊奚比乎不斲。注：不斲，久



竹言其不能復生筭也。五維組竹名如母後筭之生必高前筭竹初出上時極難長累旬不盈尺逮至五六尺時潛記其處一夜輒尺許矣。說文楚謂竹皮曰箬。字書箬竹皮也。禮器如竹箭之有筠注筠竹青皮也竹無心其堅煨在膚。瓊碎錄峽州玉泉鬼谷子洞前有叢竹竹葉有文成符葉葉不同佩之可以辟患。羅浮山記羅浮山東有溪曰羅陽水泰中晷雨漲有竹葉若芭蕉葉隨水流出。本草竹葉名升斤竹花名草華。莊子鷓鴣非練實不食注練實竹實也取其潔白。李收該聞集舊稱竹實為鸞鳳所食今近道竹間時見花開如棗結實如麥江淮號為竹米以為荒年之兆。

其竹即死竹譜根幹枯朽花復乃懸陸龜蒙詩青復未成孤鳳餓唐詩老屋茅生菌饑年竹有花信非鸞鳳之食也近有餘干人來言彼有竹實大如雞子竹葉層層包裹味甘勝蜜食之令人心肺清涼生深竹林茂密處頃因得之雖日久枯乾而味尚存乃知鸞鳳所食必非常物也。五侯鯖復音竹結子每六年一結花不為妖。晉書惠帝元康二年春巴西郡界竹生花紫色結實如麥外皮青中赤白味甘。彙苑詳註明正德末饒中山中翠竹不問大小俱開花結實人采烹之但味澁而不可多食多則腹脹。俞宗本種樹書竹有花輒槁死結實如稗一竿如此久之則滿林皆然其治法於初米



時擇一竿稍大者截去近根三尺許通其節以糞之則

止朝野僉載人家竹花枯死者家長當之西陽雜

俎江淮有竹肉生節上如彈丸味如白樹雞丹鉛總

錄竹亦有香人罕知之杜詩風吹細細香李賀詩竹香

滿幽寂粉節塗生翠世說王徽之嘗借居空宅中便

令栽竹或問之徽之但嘯咏指竹曰何可一日無此君

耶郡國志儋州滔泮井與淪水通有人以竹置井口

淪水得之人呼竹為滔泮日以為名西陽雜俎李衛

公守北都唯重子寺有竹一窠纔長數尺相傳其寺每

日報竹乎安襄陽耆舊傳辛仲書栽竹為嬰以酌酒

曰吾性愛竹及酒欲令二物相並耳東陽記崑山去

蕪城山十里山嶺高峻常秀雲表父老傳云嶺上有員

池心邊有竹極大風至垂屈掃地恒潔淨如人掃然

荆州記天門山角上各生一竹倒垂拂拭謂之天帚

求泰記小江緣岸有仙石壇有竹嫋娟青翠風來枝動

掃石壇壇上無塵也湘州記邵陵高平縣有文竹山

上有石牀四面綠竹扶疎常隨風委拂此牀華陽國

志有竹王者興於遯水始有一女浣於水濱有三節大

竹流入女足間推之不去聞有兒聲持歸破竹得男長

養有武才遂自立為夜郎王以竹為姓所破竹於野成

林今土祠竹林是也海錄或聞鬼所惡蒼日最惡金

姑聲聞人謂破竹聲為金姑聲



**種竹法** 志林竹有雌雄雌者多筍故種竹常擇雌者  
 凡欲識雌雄當自根上第一枝觀之有雙枝者為雌即  
 出筍若獨枝者是雄竹 仇池墨記種竹自根而上至  
 生稍一節發者為雄二節發者為雌 四民月令五月  
 十三日謂之竹醉又謂竹迷是日栽竹多茂盛 岳州風  
 土記五月十三日謂之龍生日栽竹多茂盛 山家清  
 事風土記文心雕龍皆以五月十三日為竹生日齊民  
 要術則以八月八日為醉日比得之老園丁曰種竹無  
 時認取南枝又曰莫教樹知先鋤地令鬆且澆沃以渠  
 泥及馬糞急移竹多帶宿土種之勿踏以足若換葉姑  
 聽之勿遽拔去又有二秘法迎陽氣則取季冬順土氣

則取雨時若慮風則去梢而縛架連數根種則易生  
 過此別無他法 埤雅竹物之有筋節者也今人穿沐  
 叢竹芟其繁亂不使分其勢然後枝幹茂擢俗謂之  
 洗竹第如洗華例非用水也竹之初生其色綠長則綠  
 轉而青矣舊說竹率六十年根輒一易即華實而枯死  
 實落於土復生六年成 種樹書凡種竹正二月劓  
 取西南根於東北角種其鞭自行西南蓋竹性向西南  
 行也諺云東家種竹西家種地 草木狀竹宜高平之  
 地 種樹書種竹處當積土令稍高於傍地二三尺則  
 雨潦不侵損錢唐人謂之竹脚

**名類**

易說卦傳震為蒼筤竹

尚書揚州厥貢篠簜



荆州厥貢惟篔簹注篠箭竹篔簹大竹籊籊美竹也字

林籊籊竹黑皮竹有文籊籊竹有毛籊籊力印竹實中

廣志籊籊竹細而多刺也篔簹竹堪作笛海錄碎事紫雲

蓋慈竹也赤玉脂桃竹也青蛇枝苦竹也紅鵲尾青竹

也詞林海錯竹一名林籊即袁公與越女試劍竹也

曰防露蜀中竹也曰金貓其節有金色南方草木狀

思摩竹如竹大而筍生其節筍即成竹春而筍復生節

焉交廣所在有之又石林竹似桂竹勁而利削為刀割

象皮如切芋出九真交趾廣州記作戴凱之竹譜籊

竹堅而促節體圓而質堅皮白如霜粉大者宜行船細

者為笛竺法真羅浮山疏嶺南道無籊竹惟此山有

之其大尺圍細著色如黃金堅貞疎節天嘉記陽嶼

有仙石山頂上有平石方十餘丈名仙壇嶼有籊竹

戴維青翠風來動音自成宮商石上淨潔初無粗籊

異苑東陽雷道德家中籊竹林忽生連理西陽雜俎

籊竹南方以為籊籊未成竹時堪為弩絃續博物志

籊竹青皮肉白如雪軟韌可為索通志竹之良者有

籊竹其白死筍謂之仙人杖竹譜籊竹高節實中狀

若人刻綵謂之扶老竹張騫云出身壽國廣志云出南

廣邛縣張孟陽云出興古盤江縣山海經注交趾有

籊竹實中勁強有毒銳以刺虎中之則死天中記新

州石城陝臨宋紹興中州守黃濟植籊竹圍繞之竹有



刺芒棘森然羔豚不能入

廣志管竹宜為屋椽

竹

譜管竹楚謂之竿。箴一枝數葉葉大如履可以作篷冬

夏生筍。事物紺珠。籜竹出臥龍山長百尺只稍壯有

葉。異物志。管竹生水邊長數丈圍一尺五六寸一

節相去六七尺或去一丈廬陵界有之。

異苑建安有

管竹節中有人長尺許頭足皆具。

竹譜籜竹又

名合卮大如脚指長丈餘堅厚修直腹中白幕闌隔如

濕麩生衣六月生筍將成竹而筍皮未落輒有細蟲嚙

之隙籜後嚙處往往成奇文如繡畫可愛。

酉陽雜俎

籜籜百葉為一枝。

竹譜籜竹生於漢陽內實外澤

時獻以為輅馬策見南郡賦。

南方草木狀籜竹皮

薄而空多大者徑不過二寸皮粗澁以鋤犀象利勝於

鐵出大秦。異物志。籜竹出思牢國可礪指甲新州

有此種製成琴樣為礪甲之具用久微滑以酸漿漬之

過宿快利如初亦可作箭李商隱所謂籜竹箭磨青

石是也。詞林海錯。澀勒竹名竹膚有芒可以剉瓜

竹譜廬山出竹莖大如指竹杪細葉密翠如帚彼人採

為方物贈人謂之掃雲帚。花木考。雲竹出廣西斑極

大色紅而有暈。羣芳譜。月竹每月抽筍狀如短叢生

如箭筍不堪食產嘉定州。陽谷漫錄。張堂云同邑安

福西鄉周俊叔家嘗得十二時竹一根植之家庭歷十

有餘年筍而竹者纔三竹繞節凸生子丑寅卯辰巳



未申西戌亥十二字點畫可數  
事物紀原水竹出黔南管內或巖下澤水中其筍隨水深淺以成節若深一丈則筍出水面爲一節  
南方草木狀越王竹根生石上若細荻高尺餘南海有之南人愛其青色用爲酒籌云越王棄餘算而生竹  
松江府志王莽竹種最大而節間促二十餘節後方生枝葉近根有一錢痕俗傳王莽藏銅瓦其中以爲識云  
雨航雜錄雁山五珍有觀音竹形小葉長翠潤奪目植巖石上經冬不凋  
瀛涯勝覽占城國產觀音竹如藤長丈八尺許色如黑鐵筍寸約二三節  
清異錄秦維言雙竹自是一種有成林者因出三拄杖皆兩岐後問浙人云此是天親竹有時

出一番雙筍故例皆分岐亦非年年有之  
華陽國志哀牢夷有竹其節相去一丈名僕竹  
格古要論飯兒竹孩兒竹出西蜀下有尺許如豬大腸  
會稽縣志公孫竹高不盈尺可爲几案之玩  
述異記詩義云南中生子母竹今慈竹是也漢章帝三年子母竹筍生白虎殿前時謂之孝竹羣臣作孝竹頌  
酉陽雜俎慈竹夏月經雨滴汁下地生蓐似鹿角色白食之已痢  
花木考慈竹秋筍高數丈尾甚柔細如釣絲又名釣絲竹歷冬及壽始開葉其葉左右竝列如鳥翎狀初歲極嫩土人破爲篔裂以成麻可爲屨號竹麻屨出敘州府  
潛確類書釣絲竹生廣右兩江安南大槩一如蕩竹深秋



出筍隔年成竹笋過母時梢極細弱彎曲垂下宛如鈞  
 絲山海經所謂噐水之北多鈞端竹者疑卽此是  
 五侯鯖垂絲竹出雲南枝柔軟下垂  
 羣芳譜人面竹出  
 剡山竹徑幾寸近本連二尺節極促四面參差竹皮如  
 魚鱗面凸頗類人面  
 五雜俎人面竹其節紋一覆一  
 仰如畫人面然  
 山海經龜山多扶竹  
 丹鉛總錄武  
 林山西舊有雙竹院中所產修篁嫩篠皆對抽竝發王  
 子敬竹譜所謂扶竹譬猶海上之桑兩兩相比謂之扶  
 桑也扶竹之筍名曰合歡  
 五侯鯖合歡竹出九疑山  
 筍長獨莖及生枝葉分爲兩梢故名  
 丹鉛錄蜀涪州  
 有相思崖昔有童子尹女相悅交贈今竹有桃釵之形

筍亦有柔麗之異崖名相思崖竹曰相思竹  
 永嘉郡  
 記張薦家有苦竹數十頃屋其中居之  
 齊民要術安  
 思縣多苦竹竹之醜類也有四有青苦者白苦者紫苦  
 者黃苦者  
 南越志羅浮山第三十一嶺半是巨竹皆  
 七八圍長一二丈有三十九節葉若芭蕉謂之龍鍾竹  
 常有鸞鳳棲宿其上  
 雜浮山記  
 東齋記事辰州有一  
 種小竹曰龍孫竹生山谷間高不滿尺細僅如針凡所  
 以爲竹無不具前輩詩有小竹如針能具體卽此也  
 五侯鯖龍牙竹出永嘉人取之必有雷電下山卽止  
 羣芳譜龜文竹崇陽縣寶陀巖產僅一本製扇甚奇聞  
 今亦絕種矣  
 事物紺珠雞脰竹似篔簹細大不過指



疎葉黃皮無用惟筍美無錫縣志護居竹一名哺雞  
言其筍如雞卵之多清異錄江湖間有一種野竹其  
葉斜結如蟲狀山民曰此蚌蟻竹也臨海異物志狗  
竹毛在節間事物紺珠貓竹又名貓頭竹其根類貓  
頭又名潭竹大莖細葉羣芳譜貓竹一作茅竹又作  
毛竹幹大而厚異於衆竹人取以爲舟四明洞天記毛  
竹叢生澗邊又金庭山洞天皆有方輿勝覽毛竹洞  
在西溪上流去武夷山百餘里徧生毛竹每節出一幹  
其巨細與根等格古要論湖廣黃州府蘄州有竹名  
蘄竹爲竹簾其節平人睡則涼而不生痕今謂之蘄簾  
蘄笛自唐得名羣芳譜蘄竹以色瑩者爲簾節疎者

爲笛帶鬚者爲杖虞初志柯亭竹生雲夢之南以七  
月望前生明年七月望前伐過期伐則音滯未期伐則  
音浮雲窗私志凝波竹出區吳山紫枝綠葉堅滑如  
玉風吹有聲如環佩成帝種於臨池觀更名曰環佩竹  
花如海榴實如蓮子而小服之肌滑體輕趙飛燕舞於  
手掌上服此實也拾遺記蓬山有浮筠之籥葉青莖  
紫子如大珠有青鸞集其上下有砂礫細如粉暴風至  
竹條翻起拂細砂如雪霰仙者來觀戲焉風吹竹折聲  
如鍾磬之音又岑華山在西海之西有蔓竹爲簫管吹  
之若羣鳳之鳴丹陽記江寧縣南二十里慈母山積  
石臨江生簫管竹王褒洞簫賦所稱卽此也其竹圓綴



異於餘處自伶倫採竹嶰谷其後唯此斨見珍故歷代常給樂府而俗呼曰鼓吹山 荆州記臨賀冬山中有大竹數十圍高亦數十丈有小竹生其旁皆四五圍下有盤石徑四五丈極方正青如彈棊局兩竹曲垂拂地石上初無塵穢未數十里間風吹此竹如簫管之音羣芳譜弓竹長百尋却曲如藤得木乃倚出東方質有文章須膏塗火灼乃見 竹譜箭竹節間三尺堅勁中為矢 潛確類書射筒竹細小通長丈餘亦無節可以為箭筒 清異錄荆南判官劉彧棄官遊秦隴閩粵篋中收大竹拾餘穎每有客則斫取少許煎飲其辛香如雞舌湯人堅叩其名曰謂之丁香竹非中國所產也

華陽國志錦江心礮石上產桃竹可為杖竹 世中

竹獨實類木 竹譜桃枝竹皮滑而黃可以為席 山

海經幡豕之山豨水之上多桃枝竹 魏志倭國有桃

枝竹 廣州記廣州有桃枝竹 物類相感志櫻欄竹

出南海葉似櫻身斑可愛嶺表入用作杖心堅實亦名

陶枝蜀亦生復似科藤之屬也 格古要論櫻竹出

西蜀廣西葉如棕欄其身似竹堅且實又名桃竹 羣

芳譜棕竹有三種上曰筋頭梗短葉垂堪置書几次曰

短捷可列庭階次曰撲竹節稀葉硬全欠溫雅但可作

扇骨料耳 事物紺珠木竹出韶州一莖如萬歲藤一

節長四尺無花而實如草豆蔻土人鹽之為果 寰宇



記竹林堂宋臨川王義慶所作梁元帝因而修之堂前有竹名桂竹出始興桂陽縣來風防露土合不疎每日出羅紈金翠春光秋月隔林而望若花開也其西有篠箭冬月抽笋似桂而辛降暑赫曦但有涼氣入其下者咸以御風

山經注始興郡桂陽縣出至竹大者圍二尺長四丈

鄧元錫函史筆竹可絲以制器又可刺船江楚常用之

事物紺珠蓬竹又名倭竹種自倭國南越志宋昌縣有棘竹長十許丈如篋其間短者輒六七丈也里人取以為弓為竹叢薄葉下有鈎刺或在條末如芒針也

西陽雜俎棘竹一名笹竹節皆有刺數十莖為叢南夷種以為城狎不可攻或自崩根出大如

灑灑縱橫相承狀如線車食之下人髮

海槎節蘇艾竹大如指長逾二丈節節生枝交采人家川植於居之周遭以代垣牆雖雞犬不能逾越陰森柔嫩綠潤如沃可愛也

續竹譜紅竹出峽州宜都縣飛魚口大者不過寸許鮮明可愛

事物紺珠丹竹出道州每節可一丈徑不大鼻裊搖空粉節上有丹色心空肉薄入劈為百丈綽

聯車志補陀落伽山觀音坐後旃檀林紫竹幹葉如丹

花木考紫竹亦而色紫宜傘柄簾窗用羣芳譜丹青竹葉黃碧丹相間出熊耳山

趙潛養病漫筆成都古今記云對青竹竹黃而溝青故每節若間出云此竹今浙中亦有之惟會稽頗多彼人呼為黃金



間碧玉。華陽國志。成都有竹名對青半青半紫二色。相映可愛。五雜組黃金間碧玉竹其節一黃一碧正。直如界然。遊南城記中。伯圖中有對金竹其狀與對。青相似。松江府志黃菰竹節目疎聳皮黃力韌為篾。器之良。博物志洞庭之山帝之二女啼以涕揮竹竹。葉。今下雋有斑皮竹。事物紺珠斑竹有紫暈筍極。藥又名淚竹又名湘妃竹。地理志雷州土貢電斑竹。事物紺珠毛斑竹出蘄州初伐無斑灰汁洗之則斑。見格古要論湘竹出廣西斑細而色淡有暈中一。紫與蘆葉上斑相似作簫管最貴。東齋記事武陵桃。源山有力竹四面平整如削堅勁可以為杖。雷青日。

札唐書高宗遣宦者采怪竹江南將蔣上苑今江南方。竹即此類也寧波志云葛仙翁煉丹於定海靈峰植竹。筋化為竹而方。桂苑叢談方竹出大宛國堅實而正。方節眼鬚牙四面對出實衛公之所寶也。北戶錄澄。州產方竹其隔州亦出大者數十。格古要論方竹出。西蜀浙江杭州府西湖飛來峰山上亦有之其竹節上。有刺蜀人謂之刺竹。妮古錄高皇帝燕處武樓中詹。同在左右偶理竹事帝曰竹之類其亦多乎同對曰其。實晉戴凱之譜五十餘種或根如盤輪或節若束針或。細則勝箭或鉅可為舟有未能歷舉者大槩其色皆青。其體皆圓也惟吳越山中有名方竹者最為危異四稜。



直上弗偏弗頽若有兼隅不可犯之色以故士大夫愛之往往采而為節既退獲一枝以獻帝摩掌觀之親灑翰墨草方竹記一通雲南記雲南有實心竹文采斑駁殊好可為器物其土以為槍幹交牀物類相感志疎節竹出南方水中筍萌時隨水高低成節也又秦大國有竹一節可長九尺北戶錄高潘州有疎節竹五六尺一節僧道多以為杖又溱州通竹直上無節空心也事物紀原古散竹節似馬鞭葉似桐而小皮似棕柔軟北戶錄古散堪為拄杖山海經衛丘山南帝俊竹林在焉大可為舟註俊音舜舜林中竹一節則可以為船南方草木狀雲母竹一節為船出扶南神

異經籛竹一名太極長百餘丈南方以為船神異經南方荒中有涕竹長數百丈圍三丈五六尺厚八九寸可以為船其筍甘美煮食之可以止創瘍玉篇籛竹甚可為舟南征入郡志嶺南有大竹數圍實中任屋梁柱覆用之則當瓦南方草木狀由梧竹吏民家種之長三四丈圍一尺八九寸作屋柱出交趾異物志有竹曰籛其大數圍節間相去局促中實滿堅強以為屋椽斷截便以為棟梁不復加斤斧也桂海虞衡志徭人以大竹為釜物熟而竹不灼孝經河圖少室之山大竹堪為釜餽玉堂漫筆衡山後生竹最大名曰南竹上人截取其筒以為甌節處可置盥盆然在深山



中人跡不到之處。廣志永昌有漢竹圍三尺餘大者一節受一斛小者數升為柳楹。華陽國志南垂界有百葉竹一枝百葉故名又名篔簹竹有毒夷人以刺虎豹中即斃。事物紀原千年竹出水簾洞石上葉稍似竹高者二寸許。天中記三稜竹若棕櫚葉莖柄三脊川中人家竹林中忽有此吉兆也。通雅沈存中云本草南燭草乃木也名南天燭今人植庭側葉似棟秋實赤如丹按此俗所謂天竹也。事物紀原單竹大者如扉虛細長爽嶺南取其筍未及成竹者灰煮績為布。

格致鏡原卷六十七終

格致鏡原

卷六十八 草類

卷總十六

芝

芭蕉

茅苜

菟絲

蒺藜

茅

藹

莞

詳類 別名

總論 甘蕉 各種蕉

美人蕉

菟絲

蒺藜

茅

藹

莞

苜蓿 總論

卷耳

荊蘭

藜藿

蘆荻

蓬

艾

蒲

詳類 花

各發鏡原目次草類



苔

總論

地苔

石苔

藓

莎

藍

紅藍

藜

菁

麻

苧

葛

藁荷

商陸

茵陳

萆薢

酸漿草

龍鬚草

卷六十九 草類二

水草

萍藻

蘋藻

卷

香草

鬱若

地

藤

蕪

蕪

揚

明

薜

荔

芸

奇草

雜草

惡草

附草

附藤

本草綱目卷六十九 草類







醴泉醴泉生皇辜皇辜生庶草凡根按草者生於庶草

後漢書定昌羌俗無文字但候草榮落以紀歲時

玉篇舊草不芟新草復生日芳音芳桑苎草穉曰蔦深

日芬

著

說原草植三百六十著為之長周易聖人幽贊於神

明而生著又著之德圓而神本草著如蒿叢生條直

秋後花生枝端紅紫如菊花結實如艾實七十年益一

莖生少室山及上蔡縣洪範五行著之為言著也百

年一本生百莖此草木之壽亦知吉凶者史記天下

和平著莖長一丈其聚生百莖共根今世取著八十莖

長八尺即難得矣得六十莖長六尺即可用淮南子

上有叢著下有伏龜龜策傳著滿百莖下有神龜守

之其上嘗有青雲覆之

芝附肉芝

**細瑞**孝經援神契王者德至草木則芝草生白虎

通王者德至於山則芝實茂瑞應圖芝英王者親近

耆老養有道則生論衡芝生於土土氣和故芝草生

徐整長曆黃帝以五芝為房宮羅泌路史黃帝陞

鴻隄受神芝於黃蓋漢書武帝元封二年甘泉宮生

芝草九莖連葉乃作芝房之歌三輔黃圖甘泉宮芝

金色綠葉朱實夜有光漢書宣帝神爵元年金芝九



芝產於函德殿銅池中 [古今注] 章帝元和二年芝生  
沛如人冠又生章武如人抱三子狀建初五年芝生頽  
附以六月中生一葉五歲五重春青夏紫秋白冬黑十  
月後黃氣出上尺五寸 [繆襲] 神芝贊 魏文帝青龍元  
年芝產於長平之習陽許昌農家其色丹紫其質光曜  
其別爲三幹分爲九枝散爲三十六莖委綏連屬有似  
珊瑚之狀 [唐春秋] 太宗貞觀十九年雍州李樹生芝  
英赤蓋紫光色鮮麗肅宗上元二年皇后奏含暉院生  
金芝 [唐書] 太宗寢室中產芝十四莖命爲龍翔鳳翥  
之形玄宗時有玉芝產於大同殿柱礎一本兩莖神光  
照於殿 [雜俎] 天寶初臨川郡人李嘉胤所居柱上生

芝草形類天尊太守張景儉截柱獻之 [杜陽編] 處士  
伊祁玄解於衣帶間出三年藥實爲上種於殿前有雙  
麟芝色褐一莖兩穗隱隱形似麟頭尾悉其中有子如  
瑟瑟 [舊唐書] 肅宗延英殿御座梁上生玉芝一莖三  
花 [法苑珠林] 唐大理司直河內司馬喬卿天性純謹  
有志行永徽中爲揚州司戶曹丁母憂居喪毀瘠骨立  
刺血寫金剛般若經二卷未幾於廬側生芝草二莖九  
日長尺有八寸綠莖朱蓋日灑汁一升食之味甘如蜜  
取而復生 [清異錄] 杜荀鶴舍前椿樹生芝草明年及  
第以漆彩飾之安几硯間號神各草 [孝子傳] 宋易延  
慶父喪廬墓產玉芝十八莖葩葉扶疎好事者繪爲圖



湧幢小品嘉靖時御醫李果進也  
縣民聚芝百八十一本為山以進內有徑一尺八寸者  
數本號曰仙應萬年芝山又御醫黃金進芝山四座計  
三百六十本

神農草木經青芝生太山赤芝生衡山黃芝生  
嵩山白芝生華山黑芝生常山皆久食輕身延年不老  
茅君內傳玉芝色白如玉抱朴子石象芝生於海  
隅名山及島嶼之涯狀如象有頭尾四足踞於大石赤  
者如珊瑚白者如截肪黑者如漆澤青者如翠羽黃者  
如紫金皆光明洞徹如堅冰晦夜去之三百步便望見  
其光矣玉脂芝生於有玉之山常居懸危之處玉膏流

出萬年已上則凝而成芝有似鳥獸之形色無常采而  
鮮明如水晶七明九光芝生臨水之高山石崖之間狀  
如盤碗有莖蒂連綴之起三四寸有七孔者名七明九  
孔者名九光皆如星食之盡一觴令人身有光所居  
暗地如月不蜜芝生少室石戶中不極芝生石穴  
中以桂樹而實石也高尺許有枝條石膠芝生滑石中  
五色光明而自動石磁黃芝五嶽俱有而箕山為多許  
由服此而長生石芝也松脂淪入地千歲化為茯苓萬  
歲其上生小木狀似蓮花名曰威喜芝夜視有光持之  
甚滑燒之可燃帶之可辟兵又松樹枝三千歲者其皮  
中有聚脂狀如龍形名曰飛節芝大者重十觔菌芝生



深山中或大木之下或生泉側其狀或如宮室車馬龍  
虎人形飛鳥五色無常樊桃芝其木如昇龍其花葉如  
丹羅其實如翠鳥高不過五尺生於各山之陰東流泉  
水之上參成芝赤色有光扣其枝葉如金石之音折而  
續之即復如故木渠芝寄生大木上如蓮花九莖一叢  
建木芝生於都廣其皮如纓蛇其實如鸞鳥黃盧子尋  
木華玄液華此三芝生於泰山要鄉及奉高以上皆獨  
搖芝無風自動其莖大如指赤如丹素葉似莧其根有  
大魁如斗有細者如鷄子十二枚周繞大根之四方相  
去丈許皆有細根如白髮以相連生高山深谷所生處  
左右無草人懷其大根即隱形欲見則左轉而出之午

角芝生虎壽山及吳坂土狀似蔥特生如牛角長三四  
尺青色龍仙芝狀如昇龍之相負以葉為麟其根則如  
蟠龍麻母芝似麻而莖赤色花紫色紫珠芝花黃葉赤  
實如李而紫色二十四枚輒相連而垂如貫珠也白苻  
芝高四五尺似梅常以大雪而花季冬而實朱草芝九  
曲曲有三葉丘德芝狀如樓殿莖方其葉五色各具而  
不雜上如偃蓋中有甘露紫氣起數尺龍御芝以仲春  
對生三節十二枝下根如坐人以上皆凡服之者皆與  
天地相畢漢武內傳西王母曰仙藥有太真紅芝草  
拾遺記伏與有七色芝生玉梁下其色青光輝耀謂  
之蒼芝西陽雜俎良常山有薺大芝其葉以草其實

芝類



如豆紫花夜視有光食一枚心中一孔明食至七心七  
 竅洞徹可夜書 茅君內傳句曲山五芝朮之者按金  
 環二雙於石間勿顧念必得矣第一芝名龍仙第二芝  
 名參成第三芝名燕胎第四芝名夜光洞草第五芝名  
 料玉 真誥羅江太霄有洞壘中有五色隱芝華陽洞  
 亦有五種夜光芝其實陸地如七寸鏡包山中有白芝  
 真仙通鑑食四節隱芝者位真卿食金闕玉芝者位  
 司命食流明金英者位司祿食長囉雙飛者位真伯食  
 夜光洞草者左右御史 廣博物志青雲芝生於各山  
 之陰青蓋三重上有雲氣覆之食之能乘雲遊天月精  
 芝秋生山羊石上服之長生 東坡尺牘文登島中出

藥名白不慈狀如石耳而有香味 酉陽雜俎仙經  
 言穿地六尺以環實一枚植之灌以黃水五合以土堅  
 築之三年生苗如匏實如桃名鳳腦芝 耀仙神隱芝  
 有二種紫白二色如菌而有莖長尺餘豫章西山最多  
 其靈芝生石上形如石可服 博物志各山生神芝不  
 死之草上芝為車馬形中芝為人形下芝為六畜形  
 酉陽雜俎屋柱木無故生芝黑為賊黃為喜  
 別名 爾雅邢疏芝草一年三花一名茵一名芝 楚  
 辭采三秀於山間王逸注三秀芝草也 格物論芝瑞  
 草一名茵 瑞應圖王者仁義行則生紫脫 齊民  
 要術紫脫北方物即芝也 江淹詩瑤草正翕 李善



注 瑶草玉芝也

續古今注靈芝一名壽潘一名希夷

本草經赤芝一名丹芝黃芝一名金芝白芝一名玉

芝黑芝一名玄芝紫芝一名木芝

肉芝

仙史武陽北平山有白蝦蟇謂之肉芝王喬食

以仙去

抱朴子行山中見小人乘車馬長七八寸者

肉芝也提取服之即仙矣

神仙感遇傳蕭靜之掘地

得物類人手肥潤而白烹食之踰月髮再生貌少力壯

遇道士曰所食者肉芝也壽等龜鶴矣

菖蒲

總論

春秋運斗樞玉衡星散為菖蒲遠雅頌著倡優

則玉衡不明菖蒲冠環

典術堯時天降精於庭為莖

百陰為菖蒲焉

呂覽月令冬至後五十七日菖始

生菖百草之先生者也於是始耕

孝經援神契菖蒲

益聰

呂氏春秋

名堯堯能鳥髮

說文菖蒲一名

昌歌

左傳王使周公閱來聘饗有昌歌

說文文正

好食菖本菴

演繁露文王嗜昌歌仲尼食之取味

事見呂氏春秋

淮南子昌羊去蚤虱而來於窮注昌

羊菖蒲也蚡窮蝨變入耳之蟲也

草木狀香馬夷有

澗澗中生菖蒲皆一寸九節安期生採服仙去但留玉

烏焉

抱朴子韓衆服菖蒲十三年身上生毛目視書

萬言冬祖不寒

清異錄宜春太守虞杲郡齋植菖蒲

五楹次子夢壽翁自號昌九言願賜保養

海峯衍言



僧曾寂好菖蒲種成獅子鸞鳳仙人之狀清異錄進  
士侯寧號菖蒲為綠劍真人歲時記端午刻菖蒲為  
小人子或為葫蘆形帶之辟邪并譜四月十四菖蒲  
生日修剪根葉無踰此時農圃六書種石菖蒲法春  
遲出夏不惜秋水深冬藏密又云添水不換水見天不  
見日宜剪不宜分浸根不浸葉

**菖蒲** 本草一名昌陽其根盤屈有節狀如馬鞭一根  
旁引三四根九節者佳遜齋閑覽楚詞所咏香草曰  
孫者即今人所謂石菖蒲也格物論今一種根苗纖  
細石上所生人以瓦石器種之屢易水則茂水濁則萎  
此名石菖蒲東坡石菖蒲贊序凡草木之生石上者

必須微土以附其根如石韋石斛之類雖不待土然去  
其本處輒槁死唯石菖蒲并石取之濯去泥土漬以清  
水置盆中可數十年不枯雖不甚茂而節葉堅瘦根鬚  
連絡蒼然於几案間久而益可喜也羣芳譜菖蒲有  
數種生於池澤肥根者泥蒲也各曰菖生於溪澗瘦根  
者水菖也各溪蓀生於水石間葉有劍脊瘦根密節愈  
剪愈細葉非如非者石菖蒲也根長二三寸葉長寸許  
可置几案者錢蒲也石菖蒲種類有虎鬚蒲見土則粗  
見石則細燈前置一盆可收燈烟不薰眼龍錢蒲盤旋  
可變且變化無窮缺水亦活又有香菖刻脊金錢牛黃  
臺蒲皆品之佳者羅浮山記山中菖蒲一寸二十節



聖芬之極

風俗通 喜蒲放花人食之延年 梁書武帝毋張

氏見喜蒲生花傍人皆不見吞之已而生帝 物類相

感志 喜蒲紅者芳氣酷烈世言有花無人見見者必大

富貴趙隱之母傅氏於山澗中見花大如車輪有神人

守護誠之勿洩後享富貴年九十四忽向子孫說之得

疾而終 後魏典略 孝文帝南巡至新野臨澤水兩見

喜蒲花遂為建兩喜蒲寺以美之 蘇集子南盆中不

喜蒲忽生九花

芭蕉

坤雅 芭蕉不落葉一葉生則一葉焦故謂之蕉

格物論 芭蕉叢生根出地面兩三莖成一簇 本草

一名芭 荳江南所在有之根葉與甘蕉同惟子不堪食

出廣闊者有花其實美可噉 羣芳譜 芭蕉外微青裏

白二年以上即著花生中上者花苞中積水如蜜名甘

露清晨取食甚香甘止渴延齡不結實生闊廣者結蕉

子蕉之小者以油簪橫穿其根二眼則不長大可作盆

景 高僧傳 懷素種芭蕉數萬以代紙號其所曰綠天

菴 清異錄 南漢貴璫趙純節性善芭蕉凡朝憲館宇

咸種之時稱純節為蕉迷 清異錄 廣主嘗與幸姬李

蟾妃微行至蘇氏園憩酌綠蕉林廣主命筆大書蕉葉

曰扇 子仙蘇氏於其所起扇子亭



**甘蕉** [本草] 甘蕉乃是有子者其卷心中抽幹作花初生大萼如倒垂蒨萼紅者如火炬謂之紅蕉白者謂之水蕉閩人以灰埋其皮令滑續以為布 [南方草木狀] 甘蕉望之如樹林大者一圍餘葉長一丈或七八尺廣二尺許花大如酒杯色如芙蓉莖末百餘千各為房相連甜美亦可蜜藏實隨花長每一花各有六子先後相次子不俱生花不俱落一名芭蕉或曰芭苴此有三種子大如拊指長而銳類羊角者味最甘好一種子大如雞卵類牛乳者味次之一種大如藕子長六七寸形正方味最下也其莖解散如絲以灰練之可紡織如絲綌謂之蕉葛然脆而黃不如葛也交廣俱有之 [廣志] 蕉

如水山芋重皮相裹大如孟葉廣尺長丈許有角子長六七寸兩兩相對若相抱剝其皮色黃白味似蒲萄而脆亦飽人 [三輔黃圖] 扶荔宮植甘蕉十二本 [遊名山志] 赤巖山水石之間有甘蕉林高者十餘丈

**美人蕉**

[楓窻小牘] 廣中美人蕉大都不能過霜節惟鄭皇后宅中鮮茂倍常益盎溢坐不獨過冬更能作花 [雷青日札] 廣西產美人蕉樹不甚高花瓣尖大紅色甚美 [閩部疏] 余以盛冬入福州芭蕉葉無凋者廊中美人蕉纈紅鮮甚比出過延平已入春而蕉葉始放乃知二百里外蕉無冬葉矣然吳中蕉三月始抽萌視延津尚遲兩月 [羣芳譜] 美人蕉產福建福州府者其花



四時皆開深紅照眼經月不謝中心一朵曉生甘露又  
有一種葉與他蕉同中出紅葉一片者一種葉瘦類蘆  
箬花正紅如榴花日拆一兩葉其端一點鮮綠可愛者  
俱亦有美人蕉之名益部方物略紀紅蕉於芭蕉蓋  
自一種葉小其花鮮明可喜蜀人語染深紅者謂之蕉  
紅蓋倣其殷麗云按紅蕉即美人蕉西陽雜俎南中紅蕉花  
時有紅蝙蝠集花中

各種蕉

學圃雜疏芭蕉有一種名金蓮寶樹不知所  
從來葉尖小如美人蕉種之三四歲或七八歲始一花  
花作黃紅色而瓣大於蓮故名海槎餘錄脩耳芭蕉  
常年開花結實有二種一曰板蕉大而味淡一曰佛手

蕉小而甜俗呼為蕉子作常品不似吾江南茂而不花  
花而不實也桂海虞衡志芭蕉極大者名牛子蕉又  
雞蕉子小如牛蕉亦四季實又牙蕉子小如雞蕉尤香  
嫩并美秋初實羣芳譜膽瓶蕉根出土時肥飽狀如  
膽瓶又鳳尾蕉一名番蕉產於鐵山如少菱以鐵燒紅  
穿之即活能辟火患出江西贛州

卷耳

爾雅注卷耳象耳也亦名胡象江東呼為常象形如鼠  
耳叢生如盤詩疏卷耳一名卷耳葉青白色似胡荽  
白華細莖蔓生可煮為茹四月中生子如婦人耳瑤今  
或謂之耳瑤草鄭康成謂是白胡荽幽州人謂之爵耳



荆楚記卷耳一名瑞草亦曰蒼耳本草卷耳一名  
施一名鼠黏子俗謂道人頭博物志昔洛中有人驅  
羊入蜀而胡泉子著於羊毛之中蜀人得其種植之名  
曰羊負來即今之泉耳也東坡雜記蒼耳花葉根實  
皆可食食久使人骨髓滿膚理如玉長生藥也

菜苜

詩疏菜苜一名馬苜一名車前一各當道喜在牛迹中  
生故名幽州人謂之牛舌草可作茹大滑其子治婦人  
產難爾雅菜苜馬苜車前邢昺疏別三名也郭璞云  
即今車前草大葉長穗好生道邊江東呼為蝦蟆衣王  
肅引周書王會云菜苜如李出於西戎王基駁之云王

會所記雜物皆四夷遠國各齋土地異物以為貢贄非

周南婦人所得采是菜苜為馬苜之草非西戎之木也

木名釋名按本草云生平澤丘陵坂道中一名勝焉

亦謂之陵焉列子云生於陵屯為陵焉陵焉車前也韓

詩傳云直曰車前瞿曰菜苜蓋生於兩旁謂之瞿圖

經春初生苗布地如匙面累年者長及尺餘如鼠尾花

甚細青色微赤結實如葶藶赤黑色神仙服食經車

前一各地衣服之形化車前之實雷之精也善療孕婦

難產及令人有子本草菜苜一名牛遺藥譜一名

車輪菜產開州者良久服輕身明目各藥譜又曰苜

茺蘭

各文選原卷六十一 草類 茺蘭



詩箋芄蘭嘗蔓於地有所依緣則起

爾雅注芄蘭蔓生斷之有白汁可啖

通志芄蘭草一名蘿藦又曰苦

如幽州人謂之雀瓢東人曰白環藤可作菜茹能補精

益氣故諺云去家千里莫食蘿藦枸杞

免絲

爾雅唐蒙女蘿女蘿兔絲又蒙玉女邢疏唐也蒙也女

蘿也兔絲也玉女也一物而五名

埤雅在木曰女蘿在草曰菟絲舊說上有菟絲下必有伏菟之根無伏菟

在下則絲不得生乎上然其實不屬也淮南子云下有

伏苓上有菟絲又云菟絲無根而生

別錄菟絲子色黃而細者名赤縹色淺而大者名兔藥

本草夏生苗

初如細絲徧地不能自起附他草梗則繞而生根漸

絕於地如寄空中

廣雅女蘿松蘿也

草木疏女蘿今兔絲蔓連草生黃赤如金非松蘿

物性志兔絲實非松蘿松蘿蔓生松土青長如帶與兔絲異

庚辛玉

冊火焰草即兔絲子陽草也初生有根及長延草物其

根自斷無葉有花結實甚細色黃

藥譜一名兔縷一名兔蘆一名兔丘一名野狐絲一名金線草

藁苑女蘿曰宛童又曰老秃鷲

抱朴子兔絲初生之根其形似兔掘取剖其血和丹服之立變化

藜藿

爾雅邢疏藜之科大為樹可以作掃帚

一名藟一名王

草類

兔絲 藜藿

藜藿



蕻一名王帚江東呼為落帚又商藿似藜而葉大一  
 拜〔本草〕地膚即落帚子〔正字通〕地膚嫩苗可作蔬  
 一科數十枝團簇直上子最繁一名地〔因其子形似〕  
 也一名地蔡因其苗形似也一名益明因其子能明目  
 也俗名鴨舌草溼衣草子落老莖可為帚故又有落帚  
 獨帚王帚諸名〔雷青日札〕藜可為杖禮記原憲杖藜  
〔曲洧舊聞〕藜有二種紅心者俗呼為紅灰藿古人食  
 之多以為羹而今人少有食者其幹輕而堅以為杖尤  
 宜唐人猶有編為牀者仙方用之為穉藥取紅心者易  
 名為鶴頂草〔雷青日札〕灰藿一名金鎖天時其白青  
 色者名曰忌女莖

蒺藜

易經困於石據於蒺藜〔爾雅疏〕蒺一名蒺藜布地蔓  
 生細葉子有三角刺人〔師曠占術〕歲欲旱旱草先生  
 旱草蒺藜也〔本草〕蒺藜有二道旁布地開小黃花子  
 三角四刺實有仁者名杜蒺藜俗呼刺蒺藜生同州沙  
 苑牧馬處結莢長寸許子大如脂麻狀似羊腎帶綠色  
 者名白蒺藜俗呼沙苑蒺藜〔藥譜〕蒺藜有旁通屈人  
 止行休羽諸名皆因其傷人也

蘆荻

總論

〔爾雅〕蒹葭蘆葦也〔埤雅〕幼曰蒹葭長曰蘆葦  
 蘆小而葦大〔談苑〕江東蘆賤而荻貴退灘之地先一



年生者蘆也。明年生者菰也。

**蘆** 卽今之蘆。一名葭。葭者葦之未秀者也。

漢書註：葭蘆也。葦其筒中白皮至薄者。爾雅註：江東

呼蘆筍為葦。葦葦之類。其初生者皆名葦。葦芳譜：蘆

芽解河豚毒。西京雜記：葭蘆之未解葉者謂之紫箬。

本草綱目：蘆葉抱莖生，無枝花，白作穗，似茅花根似

竹其節疎。爾雅云：葦醜芽言其華皆有芽秀。經

風輒吹揚如雪，其聚於地如絮也。說文：芳葦花也。

范至能詩注：元夕吳中俗以葦莖分合為卜名葦姑。

搜神記：朽葦化蚕。埤雅舊云：蘆灰，缺而月暈移說者

謂取蘆草灰隨隲下月光中，令圓畫，缺其一面，則月暈

亦缺於上。清異錄：好事者平蘆為蕭，寒郡假節侯

拾遺記：蓬萊山有葭紅魚，其為席溫柔如蜀毳。

宣室志：晉陽以北地寒而少竹，故居人多種葦成林，所

以代南方之竹也。

**葦** 卽今之葦。一名兼葦者，葦之未秀者也。

說文：葦之初生曰蘆，一曰騶。夏小正：葦未秀為葦。

爾雅：葦蘆也。注：似葦而小，貫中江東呼為鳥蘆。爾

雅釋言：蕒，騶也。郭注：蕒草色似騶，在青白之間。詩疏

蘆或謂之蕒，至秋堅成則謂之葦。其初生三月中，其心

挺出其下，本大如箸，上銳而細，揚州人謂之馬尾。淮

南子：蒹苗類絮而不可為絮。蒹同。詩疏：葦水草也，堅



實牛食之令牛肥強。陸遊入蜀記陽山磯岸傍荻花如雪僧形威少時曾用此絮裝衣珣禪師見而嘆曰汝少年輒求泐後如此豈學道者耶退而問堂中百人有荻花衣者財三四皆年七十餘矣感愧恐亟除去。酉陽雜俎仙藥有青津碧莖。

茅

周易拔茅連茹註茅根名茹。詩幽風晝爾于茅。禹貢荊州包匭菁茅。禮郊特牲縮酌用茅。天官甸師

祭祀供菁茅。爾雅蕝杜茅。爾雅蕝杜茅。九疏茅之不實者。埤雅茅體柔而理直又潔白故先王用之以藉亦以縮酒。毛詩注茅之始生日菁柔而白也。本

草自茅根各地筋一名土筋蘇頌曰春生芽布地如針俗謂之茅針亦可噉。格物論茅叢生根茹相連葉長三四尺生荒野間野人刈以覆屋莖有毛刺者曰菁茅。史記封禪書管仲說桓公曰古之封禪江淮間一茅三脊所以為藉也。拾遺記背明之國有焦茅高五丈燃之成灰以水灌之復成茅也謂之靈茅。吳錄地理志桂陽郴縣有青茅可染布零陵有香茅任土貢之。郊祀志注麻陽苞茅山茅生三脊孟康曰零茅揚雄曰瑞茅。本草李時珍曰白茅俗呼絲茅其根甚長白軟如筋而有節乾之夜視有光故腐則變為螢火黃茅似菅古名黃芾。南方草木狀芾茅枯時瘴疫大作交廣



皆爾土人呼曰黃茅瘴

說文菅茅也

埤雅野菅

屬也其華白故一名白華

詩疏菅似茅而滑澤無毛

糧下五寸中有白粉者柔韌宜為索漚及曝尤善也

爾雅疏草似茅者一名孟一名狼尾今人以之覆屋

蓬

爾雅蒿蓬薦黍蓬邢疏說文云蓬蒿也草之不理者

也種類非一故有鬻彫蓬薦黍蓬月令云藜莠蓬蒿並

興是也家語蓬生麻中不扶自直埤雅其葉散王

末太於本故遇風輒拔而飛詩經注蓬華如柳絮聚

而飛如亂髮商子今夫飛蓬飄風而行千里乘風之

勢也淮南子見飛蓬轉而知為車博物志師曠曰

歲欲流流草先生流草謂蓬也西京雜記官中正月

上辰出池邊盥濯食蓬餅以祓邪三輔錄張仲蔚所

居蓬蒿沒人拾遺記條陽山出神蓬如蒿長丈周

初國人獻之以為宮柱所謂蒿宮也

蒿

爾雅蔡之醜秋為蒿晏子蒿草之高者也爾雅蔡

繇蒿郭註即白蒿邢疏白蒿葉似艾粗於青蒿葉上有

白毛粗澀俗呼蓬蒿詩疏繇蒿一名游胡北人謂

之旁勃神仙服食經旁勃白蒿也白兔食之壽八百

年爾雅蒿菽邢疏青蒿也荆楚間謂蒿為菽郭璞云

今人呼青蒿香中炙啖者為菽是也埤雅青蒿蒿背



之不自者陝西緞銀之開有青蒿在蒿叢中迥然青色  
土人謂之香蒿至深秋餘蒿金黃此蒿猶青本草  
蒿一名方濃即青蒿一名狐蒿詩疏蕭荻今所謂荻  
蒿者是也即牛尾蒿爾雅疏牛尾蒿似白蒿白葉莖  
粗科生多者數十莖可作燭有香氣埤雅云即蕭也  
爾雅蕝牡蒿那疏蕝即蒿之雄無子者故曰牡蒿一名  
馬新蒿本草馬新蒿一名馬先蒿一名馬矢蒿先乃  
之訛馬新又食物本草牡蒿三四月生苗葉扁有禿  
岐秋開細黃花結實內子微細不可見爾雅蕝蘿那  
疏我一名蘿郭璞云今蕝蒿也亦曰蕝蒿陸璣云一名  
蘿蒿生澤田漸洳之處葉似邪蒿而細科生三月中莖

可生食又可蒸香美味頗似蕝蒿埤雅又名角蒿本草  
草角蒿似白蒿花如瞿麥紅赤可愛正字通斜蒿葉  
紋皆斜故名似青蒿北史那時為博士授太子經廚  
人進食有斜蒿時命去之曰此菜有不正之名非殿下  
所食詩疏蕝蒿葉似艾白色長數寸高丈餘好生水  
邊澤中正月根芽生旁莖正白生食之香而脆美其  
葉又可蒸為茹本草黃花蒿一名臭蒿一名草蒿  
桂海虞衡志大蒿容梧道中久無霜雪處年深滋長大  
者可作屋柱小亦中有輿之杠

艾

爾雅艾冰臺那疏艾一名冰臺崔寔月令三月可採

草類 蒿 艾



艾 彙苑艾可攻百病以蘄州者為佳蘄艾葉厚而綿  
多本地所有者葉薄而綿少 博物志師曠曰歲欲疫  
病草先生病草艾也 醫用艾灸一灼謂之一壯  
者以壯人為法其言若干壯謂壯人當依此數老幼羸  
弱量力減之 博物志削冰令圓舉以向日以艾承其  
影則得火積艾草三年後燒津液下流成鉛錫 容齋  
隨筆艾雖著力入白茯苓三五片同碾即時可作細末  
漢武內傳西王母曰神仙次藥有靈叢艾 武當記  
太和山中有千年艾葉長寸餘無尖極香氣與艾同採  
之即碎不類艾葉成茸也 風璞艾葉療一切鬼氣  
荆楚歲時記五月五日雞未鳴時採艾見似人處攬而

取之用灸有驗今人以艾為虎形或剪綵為小虎黏艾  
葉以戴之

莞

說文莞草可以為席 爾雅庫鼠莞郭註織細似龍鬚  
可以為席蜀中出好者 南史齊王智深免官家貧嘗  
掘莞根食之

蒲

爾雅莞苻離其上蒿郭註今西方人呼蒲為莞蒲蒿謂  
其頭臺首也今江東謂之苻離西方亦名蒲中莖為蒿  
用之為蓆 說文蒲似藿可以為蓆 埤雅蒲水草也  
似莞而編有脊生於水厓柔滑而溫 格物論蒲草叢



生人多種於田間莖長者可六七尺三脊無葉如薙二  
 三月生苗八九月收可為席 大雅維筍及蒲箋蒲深  
 蒲也疏深蒲謂蒲蕪入水深醴以注云深蒲蒲始生水  
 中是也 東方朔傳注莞夫離也今謂之蔥蒲 本草  
 香蒲一名甘蒲夏抽莖叢生花抱莖端如武士柝俗呼  
 蒲氣亦曰蒲葶花中蕊扇若金粉開時取之曰蒲黃能  
 益槌力 山海經孟子之山其上多蒲 續述征記鳥  
 當沉湖中有九十臺皆生結蒲云秦始皇遊此臺結蒲  
 繫馬自此蒲生則結 漢書路溫舒牧羊取澤中蒲截  
 以為牒編用寫書 秦記苻洪之先居武都家生蒲長  
 五丈狀如竹咸異之謂之蒲家因氏焉後改姓苻 韻

背曰札契丹有蒲類水叢生一莖葉如柳長不盈尋丈  
 用以作箭不矯揉而堅 毛詩義疏傳曰董澤之蒲吟  
 人以其藿為矢

苔

總論

古今注苔或青或紫一名綠蘇一名圓蘇一名

綠錢

述異記苔謂之澤葵又名重錢南人呼為垢草

廣博物志青膚苔也

南粵志苔名品藻一名品苔

以蒂形如品也

地苔

本草綱目百蕊草是瓦松生地下者 清異錄

苔一名地錢一名綠衣元寶王彥章葺園亭壘壇種花

急欲苔蘇少助野意而經年不生顧弟子曰叵耐這綠



物見

格物論苔生於地之陰濕處初生其處漸青成

暈斑斑點點久則堆積漸厚又久則微有根葉又能傍緣樹木階砌磚瓦柱礎而上空室無人行則生紫苔

石苔

本草苔在石上曰石濡一名烏韭李時珍云烏

韭是瓦松生石上者耕桑偶記石崇砌上就苔蘇刻

百花飾以金玉曰壺中之景不過如是羣芳譜欲石

上生苔以麥泥馬糞和勻塗潤濕處不久即生遊名山志石竇山緣崖而上高百許丈悉生青苔拾遺記岱輿山北有玉梁千丈駕玄流之上紫苔覆漫味甘而

柔滑食者千歲不飢

樹苔香譜艾納松上莓苔也三峩山記山高多厥

本不能長枝悉下垂古苔如亂髮懸挂木上垂至地

水苔

淮南子窮谷之汗生青苔莊子得水土之際

則為鼃蟻之衣注青苔也說文苔水衣也爾雅藻

石衣郭註水苔也一名石髮江東人食之風土記石

髮水苔也青綠色皆生於石庶物異名疏陟釐乃水

中粗苔可作紙青綠色李時珍曰陟釐生水中石上生

者蒙茸如髮有水污在石而生者纏牽如絲綿之狀俗

名水綿拾遺記晉武帝時祖梁國獻蔓金苔色如金

投於水中蔓延波瀾之上光出照日皆如火生水上也

宮人有幸者以金苔賜之置漆盤耀照耀滿室名日夜

明苔著衣襟則如火光



瓦松

本草苔在屋上曰屋遊又曰瓦松

崔融賦序

瓦松者產於屋霑之上俗以其形似松生必依瓦故曰瓦松。酉陽雜俎博邪在屋曰昔邪在牆曰垣衣。廣志謂之蘭香生於久屋之瓦。魏明帝好之命長安西載其瓦於洛陽以覆屋。夢溪筆談段成式以昔邪為瓦松不知昔邪乃是垣衣。瓦松自名昨葉。清異錄有門生離合瓦松為四字曰元木公。

薊

通志薊曰虎薊曰刺薊曰山牛蒡。爾雅繫狗毒即薊也。又有一種小薊曰猫薊曰青刺薊。北方曰干針草以其莖葉多刺故也。花如紅藍花而青紫色多生於燕地故

日薊門

正字通大薊高三四尺葉皺各虎薊俗名牛

濕刺一名牛。鍼草小薊無刺高一尺葉不皺一名猫薊

爾雅註木一名山薊又馬薊似薊而肥又鉤芡似薊

莎

爾雅臺夫須疏夫須莎草也。爾雅翼莎草可為衣以

禦雨今人謂之蓑衣名曰夫須蓋匹夫所須也。廣雅

地毛莎藓也。本草莎一名蒿一名侯莎一名水香稜

一名雀頭香生田野間其根如棗核者謂之香附子

晏殊庭莎記是草耐水旱樂蔓延雖拔心隕葉弗之絕

也。春明退朝錄河中府有綠莎

藍

各政鏡原卷二十八草類

藍



毛詩終朝采藍

禮月令

仲夏之月令民無刈藍以染

注藍色青青者赤之母刈之傷時氣

說文藍染草也

漢官儀小藍曰蓼

通志藍有三種蓼藍染綠大藍

羣芳譜藍

如芥染碧槐藍如槐染青三藍皆可為澱

羣芳譜藍

有數種大藍葉如萵苣而肥厚微白小藍莖赤葉綠而

小槐藍葉如槐皆可作靛又有蓼藍花葉梗莖皆似蓼

別有芥藍一名擘藍葉色如藍芥屬也葉可擘食故北

方謂之擘藍葉大於菘根大於芥苗大於白芥子大

於蔓菁三月花四月實葉可作菹又可作靛染帛勝福

青爾雅疏歲一名馬藍今大葉冬藍為澱者是也

爾雅翼菘藍其汁拌為澱堪染青本草吳藍長莖如

蒿而花白吳人種之木藍長莖如决明與諸藍不同而  
作澱則一別有甘藍可食崔寔月令榆莢落時可種

藍五月可刈藍六月可種冬藍大藍續漢書楊震植

藍以供食母趙岐藍賦序余道經陳雷土人皆以種

藍染紺為業藍田彌望黍稷不植

紅藍

通雅紅藍即紅花北方有焉支山山多紅藍北人采其

花染緋取莢鮮者為胭脂羣芳譜紅藍一名黃藍花

色紅黃葉似藍有刺春生苗嫩時可食夏乃有花花下

作椽花出椽上椽中結實白顆如小豆其花可染真紅

及作胭脂為女人唇妝晚花色更鮮明耐久不黧勝春



種者其子搗碎煎汁入醋和蔬食極肥美又可爲車脂  
及燭博物志張騫得其種於西域雷青目札李益  
詩藍葉鬱重重藍花石榴色是藍花本紅也紅藍花中  
國人謂之紅花本草番紅花一名洎夫藍出回回地  
面

菘

爾雅菘玉郭註菘菘也今呼鴨脚莎本草註蓋草  
葉似竹細薄莖圓小生平澤溪澗側可以染黃洗瘡效  
俗名菘蓐草

菘

爾雅茅蒐茹蘆邢疏今染絳菘也一名茹蘆一名茅蒐

草木疏菘草一名地血齊人謂之菘徐州人謂之牛  
蔓今圃人或作畦種時故貨殖傳云卮茜千石亦比千  
乘之家卉譜一名血見愁一名過山龍一名風車草  
十二月生苗蔓延數尺方莖中空有筋外有細刺數寸  
一節每節五葉八月開花結實如小椒中有細子說  
文茅蒐人血所生故字从草从鬼劉禹錫和州刺史  
壁記歲貢茅蒐七千兩

麻

詩東門之池可以漚麻禮內則女子執麻枲學女事  
以供衣服羣芳譜大麻一名火麻一名好麻一名漢  
麻剝其皮績之可爲布其楷白而有稜細者可爲燭心



〔說文〕麻。麻。泉屬。〔爾雅翼〕錄。高四五尺。葉似苧而薄。或作蕓。〔爾雅〕泉麻。賡。泉實。注。賡麻子也。〔齊民要術〕既放勃拔去雄者未放先拔則不成子。勃謂麻花也。麻有雌雄。雄者各泉。雌者各苧。〔北史〕鈕因性至孝。周武成中。廬於父母墓側。生麻一株。高丈許。圍之合拱。枝葉鬱茂。冬夏恒青。〔洞冥記〕石脉出。晡東國細如絲。可縋萬斤。生石裏。破石而後得。此脉縈緒如麻。紵也。各曰石麻。亦可爲布。

苧

〔說文〕苧草可爲繩。〔詩疏〕苧亦麻也。科生數十莖。宿根藏土中。至春自生。不歲種也。荆揚之間。一歲三刈。刈取

皮以竹刮其表。得裏韌如筋者。煮之用緝布。謂之縠。紵。今南越紵布皆用此麻。〔羣芳譜〕每歲可割三鎌。諺曰。頭苧見秧二。苧見糠三。苧見霜頭。苧粗勁。堪爲粗布。二苧稍柔細。惟三苧甚佳。堪爲細布。苧根忌見星月。卽變野苧。〔本草〕取苧根和米粉爲餅。可禦飢。李時珍曰。苧家苧也。又有山苧。野苧也。紫苧。葉面紫白。苧葉面青背皆白。根皆可刮洗煮食。

葛

〔說文〕絺。絺草也。〔左傳〕葛。葛猶能庇其本根。〔地官掌葛註〕凡葛征不止爲絺。絺用。〔埤雅〕葛性柔韌。蔓生可衣。瓜葛皆蔓延相及。故親屬之綿遠者取譬瓜葛。〔清



本草綱目卷之二十一  
異錄葛為世用花入藥根參果蔬筋備初織主生而具  
三材亦草中之白眉爾雅註龍葛似葛蔓生有節江  
東野龍尾亦名虎葛洞冥記紫鬚葛於地下生花入  
地十丈乃得此葛其根倒出亦名金虎鬚草本草蘇  
恭曰葛雖除毒根入土五六寸已上者名葛脛服之令  
人吐以有微毒也葛穀即其實也正字通葛亦葛  
類葉黃而圓故一名黃環其實名狼跋子爾雅翼食  
葛非為締絡者其花藤可醒酒一名鹿藿一名黃斤一  
名雞齊

藜荷

本草藜荷葉似初生甘蔗根似薑芽性好陰在木下生  
者尤美古今注藜荷似菖菹而白菖菹色紫花生根  
中花未敗時可食久置則爛正字通楊慎丹鉛錄泥  
急就章注謂藜荷即甘露甘露即芭蕉不知芭菹非即  
藜荷也荆楚歲時記仲冬鹽藏藜荷用備冬儲搜  
神記外姊夫蔣士先中蠱其家密以藜荷置於席下忽  
大笑曰蠱我者張小小也乃收小小已亡走自此解蠱  
藥用之多驗

商陸

爾雅遂葛馬尾也廣雅馬尾商陸也邢疏一名白  
昌一名當陸本草綱目遂葛音逐蕩言能逐蕩水氣  
治十種水病說文葛草枝枝相值葉葉相當本草



別名蕩江東爲當陸一名夜呼

茵陳

方書茵陳一名著蒿 廣雅一名因塵 陳藏器本草

茵陳類蒿經冬不死更因舊苗而生故名因陳 羣芳

譜生泰山及丘陵坡岸上近道亦生不如泰山者佳吳

中所用乃石香蒿也 正字通或因本草稱茵陳蒿白

免食之仙誤以白蒿當之今階州以白蒿爲茵陳蒿不

知茵陳似青蒿而背白雖有蒿名實非繇蒿也

莨菪

本草一名天仙子又名橫唐行唐苗莖高二三尺葉似

地黃闊二三指四月開花紫色莖莢有白毛五月結實

殼如小石榴房中子細扁青白色如粟粒 張仲景金

匱要略水莨菪葉圓而光有毒誤食令人狂亂甘草汁

解之 史記淳于意傳淄川王美人懷子不乳意飲以

莨菪藥一撮以酒飲旋乳 本草服之令人狂浪放宕

故名莨菪

酸漿草

爾雅葳寒漿邢疏葳一名寒漿郭云卽今酸漿草江東

呼曰苦葳 本草酸漿一名醋漿一名燈籠草 茹草

編酸漿草卽蟠蟻青 夢溪筆談苦耽卽本草酸漿也

庶物異名疏河西番界中酸漿有盈丈者 羣芳譜

酸漿草一名苦耽卽今所稱紅姑娘也所在有之惟川

草類 莨菪 酸漿草



陝者最大苗如天茄子高三四尺葉嫩時可食四五月  
開小白花結薄青殼熟則紅黃色殼中實大如龍眼生  
青熟則深紅 徐一夔元故宮記棕毛殿前有野果名  
紅姑娘外垂絳囊中含赤子如珠甜酸可食 茹草編  
敗醬草一名苦蕒 正字通苦蕒即酸漿之小者亦呼  
為小苦耽 李時珍曰龍葵酸漿一類二種酸漿苦蕒  
一種二物大者為酸漿小者為苦蕒 古今注苦蕒子  
有裹形如皮弁始生青熟則赤裹有實圓如珠亦隨裹  
青赤長安兒童呼為洛神珠又曰玉母珠又曰皮弁草

龍鬚草

本草龍鬚一名龍芻生山谷濕地狀如鳧茈苗直上無

葉莖端開小穗花結細實吳人栽蒔以為席一名龍  
珠一名懸莞一名方賓一名玉母簪一名草續斷即龍  
鬚草也陶弘景謂龍芻似龍鬚但多節分為二物非是  
古今注龍鬚草一名縉雲草 山海經賈超之山多  
龍修郭註龍鬚也似莞而細生石穴中莖倒垂可為席

根拔者生於萍藻 說文萍藻也無根浮水而生常  
水平故名 爾雅注萍江東謂之藻 字說以無定性  
隨風漂流故名藻 本草水萍一名水華一名水簾生  
池澤水上葉圓小一莖一葉根入水 淮南萬畢術水  
血變為萍 世說楊花入水化為浮萍 埤雅萍浮於  
格致鏡原卷六十八終



格致鏡原卷六十九

草類

水草

**萍** 禮記季春之月萍始生 淮南子海闊生屈龍屈

龍生容華容華生藟藟生萍藻萍藻生浮草凡浮生不

根拔者生於萍藻 說文萍萍也無根浮水而生常與

水平故名 爾雅注萍江東謂之藻 字說以無定性

隨風漂流故名藻 本草水萍一名水華一名水簾生

池澤水上葉圓小一莖一葉根入水 淮南萬畢術老

血變為萍 世說楊花入水化為浮萍 埤雅萍浮於

流水則不生於止水則一夕生九子故名九子萍 呂



氏春秋菜之美者崑崙之萍。雲林異景志太原少尹  
樊千里載數車浮萍入池為鴨作茵褥。家語童謠曰  
楚王渡江得萍實大如斗赤如日剖而食之甜如蜜  
青宮故事宋文帝為宜都王臨用人獻萍實六子大者  
如升小者如鶴卵圓而赤

爾雅華萍其大者蕪。陳藏器本草蕪一名菜菜

晏元獻曰蕪葉圓而小花始生俗呼為水照以其類  
鑑也其花五出黃細而香盛於中夏無飄零。通雅靡

蕪田字草也。本草四葉合成一葉如田字形者蕪也

俗呼破銅錢一名四葉菜生水中者白蕪生田中者青

蕪也。酉陽雜俎太原晉祠冬有水底蕪不死食之甚

美。吳興志白蕪洲在茗溪東南乃越女采蕪處

爾雅荇同接余其葉荇。郭註叢生水中葉圓在莖

端長短隨水深淺江東人食之。陸機詩疏接余白莖

葉紫赤色正圓莖寸餘浮在水上根在水底與水深淺

等大如釵股上青下白鬻其白莖以苦酒浸之脆美可

食。顏氏家訓荇黃花色如蓴可用為祭祀之俎。埤

雅荇亦名鳧葵舊說藻華白荇華黃。羣芳譜荇菜一

名荇絲菜一名孳一名屏。風一名鱗子菜一名金蓮菜

形似蓴而微尖。農田餘話荇菜爛煮之其味如蜜名

曰荇酥。雷青日札池州人呼荇為荇公鬚言其亂生

如鬚也。洞冥記且露池有逆錢荇荇如錢文。庶物



異名疏 武夷君傳緹紫荇也

藻 毛詩注 沈口蘋浮曰藻 詩疏藻水草也生水底

有二種其一種葉如雞蘇葦大如箸長四五尺其一種

莖大如釵股葉如蓬蒿謂之聚藻二種皆可食 博物

志師曠曰歲欲惡惡草先生惡草水藻也 埤雅藻水

草之有文者生乎水下而不能出水之上似槐葉而逆

生生淺水中與萍雜至秋則紫今俗謂之馬藻亦謂之

紫藻 羣芳譜水藻葉長二三寸兩兩相對生即馬藻

也聚藻葉細如絲節節連生即水藻也俗名鰓草又名

牛尾藻 述異記靈池方四百步中有倒枝藻一名水

網藻枝橫倒水中長九尺餘如結網野鴨秋鳥及鷗鷺

來翔水上入此草中皆不得出如繪網也 酉陽雜俎

仙藥有神吾黃藻 爾雅荇牛藻 郭註江東呼為馬

藻 顏氏家訓荇音威郭璞註三蒼云蒞藻之類也細

葉蓬茸一節長數寸細茸如絲員繞可愛長者二三十

節今人寸斷五色絲橫著線股間繩之以象荇草用以

飾物即名為荇張微名之曰緦 南康記魚朝恩宅有

洞房四壁安琉璃板中貯江冰及蘋藻諸色魚蝦號魚

藻洞

藻 爾雅藻海藻 注如水藻而大似髮黑色生海中

南越志海藻一名海苔或曰海羅生研石上 陳藏

器本草 爾雅所謂綸似綸組似組東海有之正謂二藻



也善治癩癭藻有二種生淺水如短馬尾名馬尾藻生  
深海中葉如水藻而大者名大葉藻俗名海菜可為菹又  
海帶出東海水中石上似海藻而粗柔韌而長人切食  
之車若水脚氣集海藻所謂大菜也

香草

**杜若** 爾雅杜若土鹵注似葵而香 本草圖經杜若一名杜衡苗似山薑根似旋覆花黃赤子赤色大如棘子 山海經天帝之山有草焉狀如葵臭如薜蘿名曰杜蘅可以走馬 郭註杜蘅帶之令人便馬馬亦善走 博物志一名土杏 本草懷卽杜蘅也又名蘅薇香 廣雅楚蘅杜蘅也 事物原始今杜蘅生近地諸山之

陰下濕之處根葉都似細辛無二惟氣小異以形似馬蹄故又名馬蹄香戴之能香人衣體 通志草木略唐貞觀中敕下度支求杜若省郎以謝玄暉詩云芳洲采杜若乃責坊州貢之當時以為嗤笑

**蘼蕪** 管子五次之土生蘼蕪 本草經蘼蕪一名薇蕪一名蕪 埤雅蘼蕪一名江蘼似蛇牀而香楚謂之蘼 晉謂之蘼齊謂之蘼 淮南子亂人者若蛇牀之與蘼蕪 博物志芎藭苗為江蘼根曰蘼蕪 爾雅蘼蕪

**蘼蕪** 邢疏郭云葉小如菱狀者言如菱裝之狀也 樊光曰蘼本一名蘼蕪根名蘼芷 廣志蘼蕪香草魏武帝以藏衣中



**揭車**

爾雅揭車芑輿注揭車香草也廣志揭車味

辛生彭城高數尺重葉白花海藥本草揭車生海南

山谷凡諸樹蟲蛙者煎此香冷淋之即辟也又辟惡氣

薰衣佳

**蔞荔**

楚辭披蔞荔兮帶女蘿註蔞荔無根緣物而生

本草一名絡石在石曰石鱗在地曰地錦繞叢木曰

長春藤又曰扶芳藤又曰龍鱗蔞荔正字通綠木蔓

生依巖石者如織根入石罅土中大二三寸結實上銳

下平外青中瓢經霜則瓢紅而甘可食丹鉛錄今京

師人家假山上種巴山虎是也

**芸**

禮月令仲冬之月芸始生註香草也三蒼解詁

芸似邪蒿香可食說文芸似首蓿一名芸蒿邠氏

見聞後錄芸置書帙中無蠹置席下去蚤蝨葉類豌豆

作小叢遇秋則葉上微白如粉汗南人謂之七里香遠

在數十步外已聞香自春至秋不歇成公綬芸賦莖

類秋竹枝象青松晉宮閣名太極殿前芸香四畦式

乾殿前芸香八畦杜陽編芸草出于闐國甚香潔白

如玉入土不汚正字通外國之芸為水汁今中國楓

汁俗亦名芸香以其似外國之芸而名也辟蠹之芸則

七里香也王氏談錄庭砌下有草如首蓿尤香乃牛

芸也

**鬱**

說文鬱芳草也埤雅鬱草若蘭十葉為貫白二

格致鏡原卷之六 草類 芸鬱 鬱蒿胡繩 五



十貫為築者以合鬯所以灌也舊云遠方鬱人所貢鬱  
今鬱林郡也 [本草]其香十二葉為百草之英二三月

有華狀如紅藍四五月間採花即香也 [彙苑]鬱金香  
草也釀之以降神又香可佩宮嬪服之禱衿

[埤雅]鬯草名先鄭小毛所謂鬯香草也築而煮之  
為鬯因謂之鬯傳云鬯草生庭又曰德至於地則萸莢

起和鬯出知鬯為草矣舊說芬芳條暢故謂之鬯禮以  
鬱合鬯

**霸重胡繩**

[夏樹芳詞林海錯]霸薰香草名見范子計

然胡繩亦香草名見楚詞

奇草

抱朴子朱草狀如小桑長纒三四尺枝葉皆赤莖如珊

瑚生名山嶺石之下刻之汁流如血以玉及八石金銀

投其中立可丸為泥以金投之名曰金漿以玉投之名

曰玉漿服之皆長生也 [白虎通]朱草赤色可以染絳

別成黼黻之服列為尊卑之差 [瑞應圖]朱草百草之

精也王者德無所不通則生 [尚書中候]堯德清平比

隆伏羲故朱草生郊 [天戴明堂篇]朱草日生一葉至

十五日生十五葉十六日一葉落終而復始 [晉書]地

生朱草天必見黃星 [化書]朱草可以剖人 [瑞應圖]

威蕤瑞草也王者有禮則生於殿前一日威綬 [禮斗

威儀]君乘木而王其政昇乎則福草生 [五嶽圖]恒山



有太玄泉神草十九種。〔白虎通〕王者使賢不肖位不相踰則平。露生庭狀如蓋。政平則正不平則傾。王者繼嗣平明則賓連生於戶。闕達生於房。連累相承象繼嗣也。〔通曆〕堯時有蕝草。十五日以前生一葉。十五日以後落一葉。若月小盡則一葉厭而不落。〔說楛〕蕝實曰翠。〔博志〕堯時有屈。〔軼草〕作佞。佞人入朝則屈而指之一名指佞草。〔白虎通〕蕝。蒲。瑞草也。王者孝德至則蕝蒲生。〔廣博物志〕蕝。蒲一名侍。扇。堯時生廚中能生風。食物寒而不臭。〔雲牕私志〕無畏草一名乾先草。出壽麻國。戰國時仙人陸奧進十莖於魏安釐王。如姬以贈。無忌無息。至趙昇朱亥以助其威。後朱亥入

秦秦王命亥入柙中與虎居。亥處之晏如。虎亦相視如其類也。王慙而遣之。〔述異記〕漢武帝時西方日支國獻活人草。三莖有人死者將草覆面則活之矣。〔洞冥記〕北極有明莖草。夜如金燈。折枝為炬。照見鬼神之物。仙人甯封常服此草。於夜暝時轉見腹光。通外亦名洞冥草。武帝令剉此草為泥以塗雲明之館。夜坐不加燈燭亦名照魅草。以藉足履水不沉。又武帝時未多國獻五味草。初生味甘。花時味酸。食之使人不眠。一名却睡草。波弋國獻神精香草。亦名荃。蘼一名春蕪。一根百條。其皮如絲。可為布。堅密如冰。執也。握之一片滿宮。昔香婦人帶之。彌月芬馥。又有鳳葵草。色丹。葉長四寸。赤松



子餌之又夢草似蒲色紅晝縮入地夜則出武帝思李  
夫人之容不可得東方朔乃獻一枝帝懷之夜果夢夫  
人因名懷夢草又東文朔曰臣種吉雲草於九景山二  
千歲一花明年應生臣走往刈之以飼馬帝許之朔平  
旦而去至暮而返背負數束其葉似麥而金色廣異  
記謝元卿至東岳夫人所居有異草葉如芭蕉花正黃  
色光可以鑑曰此金光草也食之化形靈元壽與天齊  
開元遺事興慶池南岸有草叢叢葉細心勁醉者過  
其旁摘草嗅之立醒名醒醉草杜陽編順宗時拘彌  
國貢變書草類芭蕉可長三尺而一莖千葉樹之則百  
步內昏黑如夜杜陽編元載造芸華堂芸華香草也

出于蜀國香潔如玉入土不朽為屑以塗壁故名其堂  
又李輔國家夏則設迎涼草其色類碧幹若苦竹葉細  
如杉挂之窻戶間涼風自至述異記桂林有睡草見  
之則令人睡一名醉草亦名嫩婦歲出南海又寡草特  
生而不叢要覽芘荔西天草名體性柔軟引蔓旁布  
馨香遠聞不背日光喻出家人奚囊橘袖幅羅草出  
買趙山李少君取綠屨之血丹虹之涎靈龜之膏阿紫  
之丹搗幅羅草和成香煙如水紋蛟龍百怪出沒其間  
三輔黃圖瀛洲有草名曰芸苗狀如菖蒲食葉則醉  
餌根則醒拾遺記樂浪之東背明國有虹草枝長一  
丈葉如車輪根大如轂花似朝虹之色齊桓公植於庭



以表霸者之瑞。宵明草，夜視如列燭，晝則無光。黃渠草，  
狀目如火，其堅韌若金。聞遐草，服者耳聰，香如桂，莖如  
蘭。岱輿山有遙香草，其花如丹，光耀日月，葉如忘憂花。  
葉俱香，扇覆數里，其子如慧，中實甘香，食之體如草香。  
又溽乘草，高五丈，葉色紺，莖如金，形如半月之勢，亦曰  
半月草。質溫柔，可爲布，爲席。述異記瑤琨去玉門九  
萬里有碧草，如麥，割之以釀酒，則味如醇酎。秦趙間有  
相思草，狀如石竹，而節節相續，一名斷腸草，又名愁婦  
草，亦名嬌草。人呼爲寡婦莎。錫義山生微蘅草，有風不  
偃，無風獨搖。北方胡地生蓆蓐草，一名塞路。楚中有官  
人草，狀如金荳，花色紅翠，俗說楚靈王時，宮人數千皆

多愁曠死者，葬之墓上生此。拾遺記方丈山有草名  
繡紉，葉色如紺，莖色如漆，細軟可縈，海人織以爲席。薦  
卷之不盈一手，舒之則坐萬國之賓。莎蘿爲經，莎蘿草  
細如髮，一莖百尋，柔軟香滑，羣仙以爲龍鵠之轡。員嶠  
有草名芸蓬，色白如雪，一枝二丈，夜視有白光，可以爲  
杵。岱輿山有草名莽，葉圓如荷，去之十步，炙人衣則  
焦，刈之爲席，方冬彌溫，以枝相摩，則火出矣。福地記  
武當縣石塔山西北角大松樹下生救窮草，冬夏不枯，  
日食三寸，絕穀不飢。陶先生謂之西岳佐命是也。燕  
要壽榮草，出少室金山丘下，服之不老。餌玉長生草，一  
名通天價值千金。十洲記祖洲在東海中，上有不死



之草生瓊田中一名養神芝草形如菰苗長三四尺秦  
始皇時多在死者有鳥銜此草覆死人面當時起坐而  
自活也〔尸子〕赤縣洲為崑崙之墟生玉紅草食其一  
實醉臥三百歲〔物類志〕護門草出常山取置戶下或  
有過其門者草必叱之〔一名神護草一名百靈草〕〔酉  
陽雜俎〕舞草出雅州獨莖三葉葉如決明一葉在莖端  
兩葉居莖之半相對人或近之則欬抵掌謳曲則搖動  
如舞〔益州草木記〕雅州出虞美人草唱虞美人曲則  
應拍而舞〔賈氏談錄〕虞美人草狀如雞冠花葉相對  
〔廣志〕南海有草叢生如藤蔓土人視其節以占一歲  
之風每一節則一風無節則無風冬曰知風草〔興化

〔府志〕侯潮草葉間有莢如榆莢潮至即開退即合〔癸  
辛雜志〕起死回生草一名押不盧出回回國以少許磨  
酒飲人則通身麻痺而死雖加以刀斧亦所不知至三  
日別以少藥投之自活御死中亦儲之〔一統志〕柳州  
產苴草如茅高二三尺食之多壽故又名不死草夏月  
柔置几筵中則蚊蠅不近物亦不腐〔述異記〕東海有  
鳥曰龍駒川產龍芻草馬食之日行千里〔西壑傳〕南  
荒有地日草日中三足鳥欲下食此草羲和馭之以手  
掩鳥目蓋鳥食此草則美悶不能動矣〔括地圖〕太極  
山有華芝草采而服之可以通萬里之語〔雜俎〕蜜草  
出北天竺國蔓生大葉秋冬不死被霜露遂成蜜如蜜



上蓬鹽 雷青日札撒馬兒罕小草叢生葉細如藍秋  
露凝其上味如蜜可熬為餠蓋甘露也 花木考羊刺  
草上生蜜名刺蜜味甚佳南平城羊刺無葉其蜜色明  
白而味甘鹽城羊刺葉大其蜜色青而味薄 彙苑含  
生草出鞏鞏國婦人難產口中含之立產 類山相隣  
草南丹山出或有所屬密以此草擲之著身不脫必相  
從不舍也 花木考西域有草名九枝秀若聖人降生  
則此草生於潔淨之地又左行草使人無情范陽長貢  
又獨搖草帶之令夫婦相愛生嶺南頭如彈子尾若鳥  
尾兩片開合見人自動 洞冥記合歡草狀如著一株  
百莖晝則衆條扶疎夜則合為一莖萬不遺一謂之神

草 道籙玄鹿草生於各山人迹不到處烹而食之壽  
二千歲 番禺雜記草名火河火不能燒若河隔火故  
名 彙苑芳苾草如麻出奔盧國燃之以為燈有白鳳  
黑龍來戲焉 洞冥記躡空草又名掌中芥葉如松取  
子置掌中吹之而生一吹長一尺至三尺止然後移於  
地不經掌中吹者不生食之能空中孤立故名 王氏  
談錄北方有鐵腳草採取陰乾投之沸湯中頃之莖葉  
舒卷如生 奚囊橘柚文香草婦女佩之則香聞數里  
男子佩之則臭昔海上有丈夫拾得此草嫌其臭棄之  
有女子拾之香甚其人欲奪之逐女子不及乃止呂氏  
春秋海上有逐臭之夫疑卽此事 物類相感志透山



根其為草葉類蕪菁可以點化黃金謂之仙藥一入採  
之就鐵鍋中煮變為金以獻蜀王問耆老曰透山根也  
雜草

博物志天姥曰太陽之草名曰黃精餌之可以長生

抱朴子黃精服其花勝實服其實勝根有黃精處必有

黃雲時起燕物異名疏黃精一名重樓一名菟竹一

各雞格一名救窮一名鹿竹本草各地髓詞林海錯

青精一名南天燭又曰墨飯草以其可染黑飯也道家

謂之青精飯爾雅註疏江東有鬼目草一名苻莖似

葛葉圓而毛子如耳瑞赤色叢生雞腸草一名藜蘆多

生下濕坑渠之側人家園庭亦有之軒子水草一名蔓

于江東呼為舊柱夫可食之草一名搖車又呼翹搖車

蔓生紫華翹起搖動故名云蘭華一名竊衣似芹可

食子大如麥兩兩相合有毛著人衣橫目草蔓生一名

結縷俗謂之鼓箏草東嶽有綸草組草華山有帛草布

草俱因其形似為名山海經嶠冢有菁蓉草葉如蕪

本如桔梗黑花而不實食之使人無子小華山有草荔

草狀如烏韭生於石上亦緣木而生食之已心痛熊耳

山有葶藶草狀如蘇而赤華朝歌山無水有莽草俱可

毒魚甘棗山有葶草葵本而杏葉黃華而莢實可以已

膏脫扈山有植楮草狀如葵葉而赤華可以已瘋食之

不昧大善山有牛傷草葉如榆方莖而蒼可以禦兵臯



塗山有無條草狀如藁葉似葵而赤背可以毒鼠青  
要山有荀草狀如薺而方莖黃花赤實本如藁本服之  
美人色休與山有夙條草狀如蓍赤葉而本叢生可爲  
籐招搖山有祝餘草狀如韭而青華食之不飢又有莖  
草狀如萊白華黑實澤如蓼萸竹山有黃薔草狀如樗  
葉如麻白華赤實如赭浴之已疥崑崙之丘有蕢草狀  
如葵味如蔥食之已勞牛首山有鬼草葉如葵而赤莖  
其秀如禾服之不憂陽華山有落萸草狀如櫛實如瓜  
味酸甘食之已瘧鼓鐘山有烏酸草方莖黃花圓葉而  
三菴可以爲毒爲治姑搖之山帝女死焉化爲瑤草其  
葉背成言葉相重也其花黃其實如菟絲服之媚於人坐者

山有嘉榮草生而秀高丈餘赤葉赤華而不實服之者  
不畏寒大隗山有薇草狀如蓍而毛青華白實服之不  
天爾雅邢疏草一名夫王郭璞云苙草生海邊似  
莞藺今南方越人採以爲席南方草木狀吉利草草  
如金釵股形類石斛根類芍藥交廣里俗多畜蠶毒惟  
此草解之吳黃武中江夏李悞以罪徙合浦初入境遇  
毒其奴各吉利者偶得是草與悞服遂解因以吉利爲  
名又良耀草枝葉如麻黃花白如牛李秋結子如小粟  
煨食之解毒功不亞於吉利始有梁耀者得是草因亦  
以爲名梁轉爲良耳出高涼三齊記鄭玄教學處有  
草如薔而細俗謂康成書帶草拾遺記晉太始十年



浮支國獻望舒草其色紅近望如卷荷遠望如舒荷  
物類相感志鹿目草生江南山足下高丈餘葉似常而  
長紫花長穗秋中熟如搗投水中魚悉浮出  
孔六帖  
王式從安南都護浚濠繞柵外植刺草寇不可冒  
酉  
陽雜俎劉愷草一名鹿活草宋元嘉中青州劉愷射一  
鹿剖五臟以此草塞之蹶然而起愷怪而拔草復倒如  
此三度愷錄此草種之主傷折俗呼為劉愷草  
鳳翔  
退耕傳元和時館閣湯飲待學士者煎麒麟草  
五代  
史袁渾有息雞草尤美而本大馬食不過一本而飽陽  
城從草軟如茸可藉以寢  
述異記懸腸草一名思子  
蔓南中呼為離別草太原晉陽以北生屏風草  
述異

記麝香草一名紫迷香一名紅蘭香一名金桂香出蒼  
梧梓林上部界今吳中有麝香草色似紅藍而甚芳香  
西陽雜俎奈祇草出佛林國苗長三四尺根大如鴨  
卵葉似蒜葉中心抽條甚長莖端有花六出紅白色花  
心黃赤取其花壓以為油塗身除風氣  
拾遺記晉武  
帝時後堂生草三株莖黃葉綠若總金抽翠花條苒弱  
狀似金荳  
謝惠連仙人草贊余之中園有仙人草焉  
春穎其苗夏秀其英秋有貞實冬無彫色  
廣博物志  
舜草今之孝草也歲艸草一名麗草又名女草江浙呼  
為娃草  
南方草木狀鶴草一名媚草蔓生其花翅塵  
色淺紫蒂葉如柳而短當夏開花形如飛鶴觜翅尾足



無所不備。出南海上有蟲老蛻為蝶赤黃色。女子藏之謂之蠟蝶。能致其夫憐愛。又肥馬草。瀕海郡邑多馬。有草葉類梧桐而厚。取以秣馬。謂之肥馬草。馬頗嗜而食。果肥壯。西京雜記終南山多離合草。葉似江蘿而紅綠相雜。莖皆紫色。氣如蘿勒。衡嶽志天堂峰有石室。其中生草兩莖相纏。有垂頭如繚。俗呼為羅漢繚。岩竇中多生。酉陽雜俎有草蔓生。色白花微紅。大如粟。奏人呼為野狐絲。博物志海上有薜草。實如大麥。七月熟。斂獲至冬。乃訖。名曰自然穀。酉陽雜俎三白草。初生。不白。入夏。葉端方白。農人候之。蔣田三葉。白草畢秀。矣。葉似薯蕷。丹鉛續錄按左思吳郡賦曰。東風扶雷。

注東風。草名。玉篇作東風。又按齊民要術引廣州記曰。東風華葉似苔。莖紫。宜肥。肉作羹。味如酪。香氣似馬蘭。困學紀聞莊子楚狂之歌。所謂迷陽人。多不曉胡明。仲云。荆楚有草叢生。脩條四時發。穎春夏之交。華亦繡麗。條之腴者。大如巨擘。剝而食之。其味甘美。野人呼為迷陽。其膚多刺。故曰迷陽。迷陽無傷吾行。蜀中方物記鴛鴦草。春晚葉生。其稚蘗在葉中。兩兩相向。如飛鳥對翔。本草地蜈蚣。草生陸野中。左蔓延。右右蔓延。左葉密對生。似蜈蚣形。穗甚長。俗呼過路蜈蚣。其延上樹者。呼飛天蜈蚣。根葉並入藥。治一切癰腫。蜈蚣傷者。入鹽少許。搗塗效。雷青日札金燈。一名無義草。蓋花葉



不相見也一名獨搖又名離母太倉志金燈俗呼忽

地笑穿山甚廣重九登高燦若丹霞亦奇草也鳳山

志金線草卽蟹殼草葉圓如蟹殼節間有紅線長尺許

羣芳譜虎刺葉深綠而潤枝繁細多刺四月開細白

花花落結子紅如丹砂子性堅雖嚴冬厚雪不能敗至

花開時子猶未落產蕭山者不如虎丘者更佳宜種陰

濕處年久綠葉層層如蓋結子紅鮮若綴火齊然羣

芳譜老少年一名雁來紅初出如莧至秋深脚葉深紫

而頂葉嬌紅其純紅者名老少年紅紫黃綠相兼者名

錦西風又名十樣錦又名錦布補二種俱壯秋色藝

花譜老少年脚葉紫而頂紅少年老頂黃而葉綠農

圖六書萬年青一名千年蒿龍膽草一名陵游花極媚

竹葉蘭一名鈴兒草花似鋼鈴羣芳譜淡竹葉春生

苗細莖綠葉儼如竹一窠數十鬚鬚結子八九月抽莖

結小長穗花可作畫燈青翠砂綠等用根名碎骨子

曲洧舊聞筆淡載淡竹葉謂淡竹對苦竹凡苦竹之外

皆淡竹也新安郡界中自有一種竹葉稍大於常竹枝

莖細高者尺許土人以作熟水極香美可喜方藥所須

悉用之有効豈存中未之見耶李時珍本草長松草

一名仙茆曲洧舊聞長松草產五臺山治大風有殊効

似人葢世人所不知也文殊指以示願僧僧如其所教其患卽



愈爾雅卷施草拔心不死南越志寧鄉縣草多卷施江淮間謂之宿莽正字通宿莽遇冬不死泉耳至秋早彫二物不同韻會誤合為一爾雅蕭綬郭註小草有雜色似綬故曰綬草廣雅附支蕭草也通志通草曰丁翁曰王翁萬年方書亦謂之木通爾雅口離南沽菴以泔菴亦謂之離南今人謂之通草其瓢白可愛婦人取以為首飾其實曰燕覆子曰烏覆曰桴棧子曰峯子雷青日札王獻迎神歌曰蕭草頭花柳葉裙今作通草羣芳譜翠雲草性好陰色蒼翠可愛細葉柔莖重重碎感宛若翠鈿其根遇土即生見日則消裁於虎刺芭蕉秋海棠下極佳本草經夏枯草一名夕

句一名乃東方書羊蹄草秋冬生長夏至死主治禿瘡陰蝕王朗與魏太子書臯蘇釋勞臯蘇草名能釋人之勞本草鬼針草生池畔方莖葉有柶子似釵脚著人衣如針一名鬼釵花木考金星草葉上有金星點根中有黑筋如髮又謂之出髮草俗傳用以浸油塗頭上禿處則髮生水經注牧靡草可以解毒鳥多誤食鳥喙口中毒必急飛往牧靡山啄牧靡以解毒曲洧舊聞新安郡婺源縣境中產一種草莖葉柔弱引而不長葉類甘菊葉俗呼蔗今訛為遮食之味苦而有餘甘又呼苦益菜本草綱目燈心草一名虎鬚草一名碧玉草生江南澤地陝西亦有叢生莖圓細而長直吳人蔣之取



瓢為炷以草織席及蓑  
中華古今注草有虎鬚者江  
 東亦織為席曰西王母席  
羣芳譜鳳尾草柔莖青色  
 葉長寸餘附莖對生每邊各七入葉相連本寬以漸而  
 狹儼如鳳尾喜陰  
農圃六書虎耳草一名金絲荷葉  
 莖間有紅絲繚繞之  
羣芳譜虎耳一名石荷葉莖微  
 赤有細白毛葉如荷蓋大如錢面青背微紅夏開小花  
 淡紅色生陰濕處  
正字通狗尾草苗葉似栗而小穗  
 黃形似狗尾莖治目痛故又名光明草一名呼羅漢草  
 卽莠也  
任士林賦序吉祥草酷似蘭而疎秀人云十  
 歲一花余見一本紫莖而花莖纔二寸綴花數十似瑞  
 香而斂小近玩之有香氣  
羣芳譜吉祥草叢生不拘

水土石上俱可種色長青花紫蓓結小紅子然不易開  
 花可登盆以伴孤石靈芝清雅之甚或云花開則家有  
 吉慶事人以其名佳多喜種之  
升菴外集詩小草也  
 今但知為苛刻之苛藐紫草也今但知為藐然之藐蓋  
 染草也今但知為忠盡之盡  
南史醜草葉似邪蒿而  
 氣香味醜女人國食醜草如禽獸  
賢奕編塞北有蚊  
 母草草懋而蚊變  
永嘉記青田縣有草葉似竹可染  
 碧名為竹青故名其地曰青田  
山堂肆考高昌國有  
 草名白氈纈其花可以為布為巾  
本草綱目箬草一  
 名遠葉李時珍曰似竹而弱故名箬其生疎遼故又謂  
 之遼生南方平澤根莖皆似小竹葉與箬似蘆荻葉面



青昔淡柔而勒新舊相代四時常青男人取葉作筮女  
人以穢輟底庶物異名疏鴈膳草名也管子地員篇  
曰其種鴈膳黑實朱跗

附草異

本草經鉤吻一名野葛博物志太陰之草名曰鉤吻

食之入口立死朝野僉載治葛食之立死有治葛處

卽有白藤花能解治葛毒嶺南風俗多爲毒藥令奴食

治葛死埋之土中輩生正當腹上者食之立死手足額

上生者當日死旁自外者數日死遠者或一月兩月或

一年兩年亦死閩部疏斷腸草一枝三葉葉大如蕷

食之輒死解此毒者先以蜜灌之已復灌羊血吐出可

不死酉陽雜俎落迴一日博有大毒生江淮山谷中

莖葉如麻莖中空吹作聲如勃邏迴因名之談叢滇

中有草名余剛藜其幹如珊瑚多刺色深碧小民多樹

之門屏間此草性甚毒犯之或至殺人余問滇民植此

何爲可以辟邪耳賢奕編百粵聞有草結實如小毬

俗名顛茄服之則心狂墨莊漫錄川陝間一種惡草

土人呼爲蕪音麻其枝葉拂人肌肉卽成瘡癩藜苑

牧麻草大毒風吹其氣所至則數里內稻皆死李淳風

云有汁本清得水則稠見日則濕入陰則乾在夏欲涼

在冬欲溫花木考獨自草有大毒煎傅箭簇人中之

立死生西南夷中獨莖今夷獠中猶用此藥傅箭鏃



正字通羊躑躅毒草也一名黃杜鵑一名老虎花一名  
開羊花葉似桃葉花五出蕊瓣皆黃氣味惡有大毒  
事物原始地鞭草梗長二三尺節長三寸許如鞭放  
地鞭其草斷節埋土中就節上生梗梗上生葉節下生  
根一時不能盡除亦惡草也彙苑夫娘子草草子甚  
細如刺善惹人衣其氣臭惡按南方苗人謂妻曰夫娘  
又謂婦人無行者亦曰夫娘蓋言其臭穢善惹人耳南  
宋蕭齊尚佛法故法琳云閣內夫娘悉令持戒謂夫人  
娘子也

**草異**

漢書元帝永光二年天雨草葉相糾結如彈丸  
續漢書靈帝中平元年東郡陳留濟陽長垣濟陰諸

縣界有草生大如指狀似鳩爾雅龍蛇鳥獸之形玉色各  
如其物毛羽頭目足翅皆具或作人形操持弓弩牛馬  
萬物之狀晉書惠帝元康二年巴西郡界草皆生花  
結子如麥可食拾遺記元熙時三株草化為三柳枝  
葉似楊柳五行志光啓唐僖宗元年河中解永樂生草  
葉自相纏結如旗旌之狀時人以為旗子草

附藤

爾雅諸慮山纍注今江東呼纍為藤藤似葛而粗大也

廣雅藟藤也

張騫出關志酒杯藤出西域藤大如

臂葉如葛花實如梧桐花堅可以酌酒自有文章映徹  
可愛實香美消酒土人提酒至藤下摘花酌酒仍以其



實醒酒。〔異苑〕永陽縣有神農窟窟前有五色藤花形似菱朝紫中綠晡黃暮青夜赤五色迭曜。〔地理志〕循州貢五色藤盤。〔彙苑〕萋葉藤葉似葛蔓延於樹可爲醬卽漢書所謂蒟醬也。忠州出引藤大如指中空可吸俗用以取酒。〔酉陽雜俎〕人子藤安南國有之紅色在蔓端有刺其子如人狀燒之則集象。〔清異錄〕終南山出瓔珞藤軟碧可愛葉甚小有子纍纍然纏固其上有如瓔珞。〔裴氏廣州記〕土人伐船爲業隨樹所在就以成槽而去水遠山有膏藤津汁軟滑無此以此導地率之如流雖五六丈船數人便運。〔南州異物志〕杜芳藤形不能自立根本緣繞他木作房藤連結如羅網相習

然後皮理連合鬱成林所託樹旣死然後扶疎六七丈也。〔南方草木狀〕紫藤葉細長莖如竹根極堅實重重有皮花白子黑置酒中久不腐敗其莖截置烟食中經時成紫者可以降神益。藤依樹蔓生如通草藤子紫黑色一名象豆三年方熟其殼貯藥不壞解諸藥毒生南海。〔臨海異物志〕鍾藤附樹作根軟弱須緣樹而作樹卽纏死且有惡汗尤令速朽藤盛成樹大者數圍又藤藤圍數寸可以爲杖篋以縛船及爲席勝於竹也。〔博物志〕刻溪藤可造紙。〔嶺南廣州記〕水藤入山行渴則斷取汁飲之治人體有損絕沐則長髮去地一丈斷之輒更生根至地永不死。〔藝文類聚〕野聚藤緣樹木二



月花色仍連著實五六月熟大如羹甌其味甜醉出蒼  
梧蘭子藤生綠樹木正二月花青色四五月熟實如梨  
赤如雄雞冠生食之味淡泊出交趾合浦菽藤生金封  
山俚人往往賣之其色正赤出興古溪沉藤生子大如  
蠶甌正月花色仍連著實十月臘月熟色赤生食之甜  
醉出交趾九真齊民要術簡子藤生綠樹木實如梨  
赤如雞冠核如魚鱗取生食之淡泊甘苦南史齊解  
叔謙母病聞空中人語曰得丁公藤為酒使差即訪醫  
至宜都山一老人曰此丁公藤也取歸醫母即愈花  
木考大藤峽相傳有藤流而生長數百尺斷之汁出水  
為之赤花木續考狗頸藤俗呼魚藤覆地而生取其

根搥爛可以藥魚雷青日札新興縣斷續藤人山行  
渴則取其汁而飲之愛州菊醬人家多種蔓生子長大  
謂苗為浮雷藤困學紀聞策扶老以流憩扶老藤名  
以為杖也見蔡順傳注太平清話天台藤可斲為杖  
然有數種有含春藤石南藤清風藤耆婆藤天壽根藤  
本草地龍藤生天目山繞樹盤屈如龍黃藤生嶺南  
狀如防已土人常服之根如牡丹骨柔皮厚肉白凌冬  
不彫甘藤一名感藤狀如雞卵大汁甘如蜜含水藤一  
名大瓠藤狀似葛葉如枸杞斷之水出可止渴省藤一  
名赤藤皮赤大如指可縛物又有龍手牛領鬼膊斑珠  
息玉萬一曼遊金陵含春獨用祁婆諸名紺珠天統



纏在樹上絲絡峩眉山名爲普賢袈裟曼遊藤寄生大  
樹春花色紫葉如柳又名沉藤藤杜陽雜編萬根藤  
一子而生萬根枝葉皆碧鉤連盤屈蔭一畝其花類芍  
藥而蔓色殷紅細如絲髮可長五六寸一孕之內不盡  
干莖亦謂之絳心藤本草干金藤有數種生北地者  
根大如指色似漆生南土者黃赤如細辛鉤藤狀如葡  
萄藤而有鉤紫色倒掛藤生深山有逆刺如懸鉤倒挂  
於樹金銀藤一名左纏藤其花長瓣垂鬚黃白相間而  
藤左纏故名

格致鏡原卷六十九終



